

Eun Novisiadez vihan eus Leanezed an Druez.

Seur Franseza-Romen

(1906-1929)

(Troet Diwar Paule Fleury-Divès)

Gant an Aotrou Gueguen, person Plegad-Guerrand.

« *O va Jezuz, da bedi ran da deurel da sell
divin war eneou eun niver bras a vugale. Da
aspedi ran da zibab oanigou diniver din eus da
garantez* ».

(Santez Tereza ar Mabig Jezuz)

IMPRIMERIE DE L'ORPHELINAT SAINT-MICHEL
par LANGONNET (MORBIHAN)

—
1940



MONIQUE DELERUE, Enfant

Eun Novisiadez vihan eus Leanezed an Druez.

SEUR FRANSEZA - ROMEN

(1906-1929)

*(Troet diwar Paule Fleury-Divès)
gant an Aotrou Françès Guéguen
person e Plouegat-Guerrand.*

« O va Jezuz, da bedi ran da deurel da sell
divin war eneou eun niver bras a vugale. Da
aspedi ran da zibab oanigou diniver din eus da
garantez ». *(Santez Tereza ar Mabig Jezuz)*



EUN NOVISIADEZ VIHAN EUS LEANEZED AN DRUEZ

Seur Franseza-Romen

(1906-1929)

I

NIL OBSTAT

Henri PERENNES

Doktor e Teoloji, Barner

Kemper, 22 a viz c'houevarer 1939

IMPRIMATUR

Kemper, 22 a viz c'houevarer 1939

† August COGNEAU

Evêque Auxiliaire


Eus kostez he zad ez eo Monik Deleru : merc'h, merc'h-vihan da ofiserien belj ; er bloaveziou 1813 ha 1814 e vrezellas unan eus he zadou-koz evel soudard e « *Gwardou Yaouank* » an Impalaer Napoleon kenta. Distrei reas glazet d'ar gêr. Ganet ha savet e ti tud a vrezel, ennan e pakas Monik eur c'harakter start, nerzus, pennok ha padus. Karout a reas he Mamm-Vro, kér he c'havel ha tour he farrez.

Pedennou birvidik e plijas gant ar Brovidanz divin lakaat en dro da c'haniavez ar bugel-se. Ne ehane an itron Deleru, eureujet eun nebeut miziou a oa d'eun ofiser eus au arme belj, da c'houenn digant Doue seveni he mennadou ha re he fried en eur fizioul enno eur c'havel. Siouaz ! e tremene ar miziou ha ne zeue esperanz ebet da laouenat kalon ar wreg yaouank. Petra ray ? Gant ar feiz krenv a gavimp diwezatoc'h en he merc'h hag a chom c'hoaz en eneou kristen e welomp ar wreg yaouank o vont e pec'herrinaj da japel ar Werc'hez dinamm e Kato, hag oc'h aspedi ar Werc'hez venniget da selaou he fedennou. Mont a ra pelloc'h. Prometi ra d'ar Werc'hez galloudus ha dous distrei ehars he zreid pep miz, kerkent m'en devezo an esperanz da veza mamm ha goude ganivelez ar bugel kement c'hoantaet ha gortozet gant kement a vall. O gañoud ar

bedenn ! Da viz here warlerc'h, d'ar 15, e voe Monik en he c'havel gwenn hag, eiz deiz goude, badezet e iliz Sant Nikolas, gant aomonier ar soudarded, evel merc'h ofiser. Diwar neuze e sourcio ar vamm yaouank he-unan eus he bugel gant aked ha teneridigez, hep Morse fizout anezi e daouarn estren : « Ne daolen pled nemet em bugel, a helle-hi skriva diwezatoc'h, Morse ne zilezen anezi nemet diouz ar min-tin evit mont da gomunia. Morse neus bet plac'h ebet war he zro ; Morse daouarn all nemet va re-me n'o deus kroget enni betek ma c'houennas Seur X da veilha warni evit mirout ouzin d'en em skuiza re. »

An itron Deleru a oa eur blijadur eviti rei d'ar verc'h vihan eun devosion wirion e kenver ar Werc'hez Vari, lakat ar bugel koant, daoulagad bras ha du d'ez, da bokat da daolen Rouanez an nenvou, ha deski d'ez abred ober sin ar groaz ha batouilhat anoiou benniget Jezuz ha Mari. N'oa Monik nemet eur bloaz hag e kasas he mamm anezi d'an iliz evit beza benniget gant ar beleg ha kinniget d'ar Mestr divin. Diwar neuze ez eas ar baotrez, da sul, gant an itron Deleru d'an ofisou. En eur familh ken leun a feiz, e troe ene Monik wardu Doue hag ar vuhez dreist-natur. Karout a rae pedi. Pa veze klanv he mamm garet, e taouline, he daouarn kroazet, hag e pede he-unan evel eun ael.

Abred en doa Monik kalon vat ha c'hoant d'ober plijadur d'ar re all ; ez-vihanik -ne valee ket c'hoaz gwall vatguelet en doa he mamm, pa veze yen an amzer, o lakat boutou he zad e tal an tan evit m'o c'havje tomm pa zistroje diouz ar c'hazarn ; eun derivez, n'en eus ket ar verc'hig guelet ar boutou e kichen an tan : tadig en devezo anoued ! Ha hi, raktal, hep lavarout ger, da glask, da ziskoacha ha da lakat ar boutou, he-unan, war... dan an oaled ! Devet e voent, evel just...


Pemp bloaz e c'hortozas eur c'hour vihan Kargat e oa he c'halon a laoanidigez gant ganivelez Mari-Jenovefa ! Nag a blijadur o terc'hel anezi etre he diouz yrec'h, o rei d'ez, an dousa anoiou, evel « va aelig » !

Awechou koulsgoude e c'hourdrouze Monik an aelig. Devol e oa dija, hel lavaret hon eus ; gant an oad ne reas he feiz nemet kreski ; anat e oa edo ar baotrezig-se etre daouarn Doue ; da seiz vloaz, he doare d'en em zerc'hel en iliz a jache warni sellou an dud, ken sioul ma oa dirak Doue. Eur sulvez, e richane hag e c'hoarze en iliz Mari-Jenovefa ha n'en doa c'hoaz nemet daou vloaz. Evit lakat al labousig da devel e reas Monik outi sellou du drenv kein he mamm.

Arabat sonjal e oa Monik eul luguden gousket, aes da reiza ; nann. Ar re o deus he anavezet : kerent, mignonned, mistri, a lavar d'comp he natur terr, prim, touallet gant ar c'hoari e hell enno ober trouz ha diskouez he nerz ; ne blije ket d'ez ar merc'hodenned, met ar c'hezeg evit sevel war o c'hein, lammat ha redek... Brevet e veze hec'h holl c'hoariellou. Daoubennet e veze pep tra ganti ; n'oa ket evit chom pell er memes lec'h, daoust d'ez da veza bepred mat, karadek, troet da garout ar bleuniou, al laboused hag al loened.

Pa voe embannet gourc'hemeañ Pi X diwar-benu komunio ar vugale, e voe Monik, desket gant he mamm devot, ezet da dostal ouz an Daol sanctel. Gant devosion eun Ael eo e resevas Hor Salver evit ar wech kenta ; da labour Doue en em roas holl he natur nerzus ha heo-buhez-k. Alies e komunie da c'houde betek an dervez ma hello komunia bemdez. Aze, e sakramant au dud glan ha nerzus eo e kavo Monik an nerz d'en em suja, d'en em rei, d'en em sakrifia betek an douezon anezi he-unan hep distro... « Morse, a lavar d'comp eum test, ne 'z eas he

devosion war ziskar, morse ne gavas re hir an amzer en iliz. »

Betek he eiz vloaz ne voe Monik er skol nemet gant he mamm. Met d'an oad-se, pa roe he mamm he amzer da Vari-Jenovefa ha d'he deveriou all, e voe fiziet e Leanezed ar Galon-Sakr. Edod er bloavez 1913. Ar bloavez 1914 a stardas c'hoaz unaniez ar vamm hag ar verc'hig : epad ar vrezel an itron Deleru en em gargas adarre eus kelennadurez ha deskadurez Monik.

Merc'h d'eun ofiser, savet e doujanz hag e karantez he bro, e komprenas gwelloc'h Monik, dirak an enebour trubard d'e c'her, priz an enor ha galloud ar Beljik. Karout a reas he mamm-vro gant he holl nerz, fougouenn ouz he guelet mac'het evit d'herc'hel he enor ! Muioc'h e chomas he c'halon pa gomprenas en doa ar Beljik dirak ar bed holl talvoudegez an nerz-kalon hag an enor. Da viken e chomas kizellet gant lizerenou padus e ene ar baotrezig vailhantiz kalonek he roue ha vailhantiz dener ar rouanez, e kreiz an anken hag ar gwad, kroz ar c'hano-liou ha suterez ar fuzuliou...

Pa zeu kirri-nij an enebourien da vombeza Mons, elec'h disken d'ar c'hav evel ar re all, krenv gant he feiz, e taoù-line an itron Deleru er sal etre he diou merc'h, ehars skeuden ar Galon-Sakr. En eun hevelep skol, penaos ne vefe ket deut Monik da gaout eun ene nerzus ha leun a feiz ?

D'ar bloavez 1916 betek fin ar vrezel, e tistroas Monik d'ar skol, an taol-man e kouent Ursulinezed Mons, chomet er Beljik. Goude fin ar vrezel e chomas sarret an holl skoliou epad eun nebeut mizioù ; adarre e resevas Monik kenteliou he mamm betek he distro daved an Ursulinezed d'ar bloavez 1919.

Pa reomp eun enklask e kichen, he mestrezed skol, e lavaront d'eomp e krevet : « Devot bras ha savet mat e

oa Monik. Kalet e oa koulsgoude he c'harakter ha diaes da blega ; karout a rae beza laket er maez eus ar studi o sonjal beza taolet er maez eus ar gouent. »

« Devosion vrás d'ar Werc'hez gloriis Vari, a lavar eun all ; met karakter en e bez, nerzus, dishual, ha ne felle d'ezan plega nemet d'eur volontez, bolontez he mamm ! Kalon dener, a lavar c'hoaz al leanez, dirak ar mad, met poan ganti o pardoni. »

« Noun ket bet skolaerez Monik, a lavar eun drede, met dalc'het am eus outi ar sonj-man : bez' e oa eur bugel c'hlan, tener, devot, savet en eur familh gristen. »

Ar pez en em glevont holl da lavarout eo devosion wirion Monik. Ne bleug he c'harakter nemet d'he mamm ; ourgouilhus eo betek gouela evit an distera rebech. Pebez stourmad e ene ar baotrezig an dervez ma krogas da vat d'en em reiza ha ma troas oll nerz he natur pinvidik ha kaer wardu ar sakrifiz ! Dija an deneridigez en doa evit he mamm a leze da darza ar pez a vezgoest d'ober ; hi hag en eus kement a boan o senti a sent eus he mamm evel eun oanig, zoken araok beza kemennet ; eun taol lagad a ra d'ez i plega. Ez vihanik e tostae eus an itron Deleru, e lake he fenn du war varlen he mamm hag e lavare, evel dibradet : « Mammig ! Mammig ! » Sentus ha mat eo dre garantez evit he mamm... Al Leanezed her goarr. No deus aon ebet raok an « diaoulig » - se hag a zo vertuzus. Koulsgoude d'ar mare-se n'oa nemet Leanezed an Druez hag a oa digemeret e kalon Monik ; drouk en doa houman ouz ar c'houentchou, dreist-holl ouz an hini he dalc'he evel er prizon...

Ret e voe d'he mestrezed kemer pasianted ganti. « Koll a reont o fenn ganin ! » emezi he-unan. Gant an amzer e tousa he c'harakter, daoust d'ezan da chom start ha leal... Karet eo gant he mestrezed ha ent ar yugale all. « Bez'

en doa, a lavar eul leanez, ar vertuziou roet gant eur gelennadurez kristen. Mat e oa da labourat. Komprenci en doa bolontez Doue warni ha raktal e responte : « ya ! »

« Pa oa Monik etouez ar c'hennardezed, a skriv eul leanez all, e roen er c'hlas kentelioù galleg. Ne gav kel d'in beza desket kalz a dra d'am skoliadez. Awechou e velen anezzi o trei hag o listrei dre guz eur mell levr oferen hag o lenn ennan eur pennad. Monik a oa he spered c'lech all. Faltazi eur bugel hag en eus bet eul levr brao, e sonjen-me. Hag e kendalc'hen da lenn never eur skoliadez pe eur pennad eus va levr.

« En eun taol : « He ! Monik, pebez pled !

« — Va Mamm, a lavare ar re all, o pedi ema Monik ; c'hoant en eus da vont da leanez. N'her gouiech ket ?

« — Nann, va bugale ; met ret e vezd d'ezi neuze deski ar wir devosion.

« — Va Mamm, devot kenan eo Monik.

« — En he doare, a dra sur ; ar gaera peden, zoken evit eul leanez, a zo ober evit Doue an never zo d'ober. »

Livet eo d'emp evelhen gant eul leanez all : « Plac'h yaouank devot kenan, aketus da ofisou he farrez, prest atao da lakat gant bokedou an aoteriou ha da zresa lienaj au iliz, awechou diwar goust he neveriou a skoliadez. »

E berr gomzou, daoust d'he natur prim ha d'he c'harakter diaes, ervez he holl mestrezed, ez eo Monik euen, leal, prest atao d'ober plijadur d'ar re all zoken diwar he c'houst, mat da labourat ha troet kenan da bedi ha da servicha Doue.

Met, e c'houlenner awechou, e petra sonj ar baotrez-se alies o huvre al ? Setu aman : er c'hlas saosneg, e vel ar vestrez ez eo gwisket he skoliadez gant dilhad goany, hag edod e kreiz an hany. Goulen a ra, souezet : « Monik,

perak hoc'h eus laket eur vroz gloan teo ? Re domm ho pezo ! » — « Evit en em voaza eus an hini a zougin diwatoch, a respont Monik... »

D'an 23 a viz even 1919, e resevas Monik gant eur feiz krenv, sakramant ar Gonfirmasion e japel skolaj Santez Wodru, digant an aotrou 'n eskob Croy, eskob Tournai... N'eo ket en aner eo e resevas ar Spered Santel...

*Sklerijennit hor sperezou gant ho koulou,
Skuilhit ar garantez en hor c'halonou
Ha skoazellit gant ho nerz
Hor c'horf leun a sempladurez...
Diskouezit d'emp Doue an Tad,
Diskouezit d'emp Doue ar Mab,
Ha bezit hoc'h-unan, o Spered Glan.
Magadurez hor feiz!...*

Bez' en devoe Monik, en eun doare souezus, donezon an devosion.

II

Gant Monik e kreskas galv Doue. E lec'h ebet ne lavarbi pevare e klevas mouez Doue ouz he gervel. Atao e voe bet troet wardu Doue. N'oa ket graet he ene evit kerzout dre an hentchou darempredet.

Koulsgoude e voe stourmajou, ha penaos ne vije ket bet en eun natur ken pinydik, ken brokus, ken leal, met dibennask, pennok ha terr ! Anaout a ra hi galv Doue : « An neb a fell d'ezan dont d'am heul a dle kemer e groaz ha bale war va lerc'h. » Ret eo eta dougen ar groaz evel Jezuz Krist, da lavarout eo gant karantez.

« Met re gaer ha re ziaes eo an dra-se evit beza tizet el lamm kenta. N'hellomp tizout ar pal-se nemet nebeut ha nebeut. » (P. Rouvier).

Gant nerz-kalon e kemeras Monik penn an hent... Met spointel eo awechou gant ar groaz. Ret e vezо kuitat eun tad, eur vamm garet, Mari-Jenovefa, he mignonezed... Ar pez a gar, zoken ar Belzik ! rak dija e oar Monik da beseurt leandi e yelo... Ha neuze etre an natur hag ar c'hras e voe stourmajou yut, gourinou leuu a wad hag a zaelou. Eun dervez — c'houezek vloaz en doa neuze Monik — en eur vont e kambr ar plac'h yaouank, e kav an itron Deleru anezi o tifronka. Souezet ha nec'het-gant au daelou-se, ne oar da betra tamall, era ar vamm ouz ar verc'h goulen war c'houlen. Monik da respont, eun tamig terr : « Mamm, santout a ran e vezin leanez... Ret e vezо d'in beza leanez... met ne fell ket d'in... heuz am eus diouz ar c'houentchou. Ne lezit ket ac'hanon da vont kuit. Promet d'in n'am lezi ket da vont kuit. »

Eur miz gonde, memes amzav ha memes stourmad. Ar pez ne vir ket ouz Monik da govez d'eul leanez karet, Seur X., ez eo galvet gant Doue da vont e Urz an Druez,

Heuz en eus ouz ar c'houentchou, en eus-hi diskleriet d'he mamm, d'an eurion tenval ; met eur wech adkavet ganti ar peoc'h, e tibab kouent an Druez... Hep dale ne vevo mui nemet evit en em brepari da veza enn dervez, hi ives, ser-vijerez vihan ar beorien hag ar glanvourien, eul Leanez kalonek an Druez.

Pell e vezо c'hoaz a-raok ma velo Monik an dervez beniget-se. Da c'hortoz, e labouro-hi evit Doue hag an nesa, hag e klasko sakrifiz he natur nerzus.

*O Krist, hor sklerijen,
Ne fell d'emp digemer nemet da wirioneziou ;
D'it e pleg hor spered, selaou. Mestr, hor peden,
Ha dindan da yeo dous, reiz hor bolonteziou.*

Nebeut ha nebeut e lako, en eul labour padus, he bolonteziou e bolontez Doue.

Seitek vloaz en eus Monik ha graet ganti he studi ; evit mat e tistro da di he zad.

Bez' ez eo eur plac'h yaouank kenedus, ampart, bras he ment. Yec' hed en eus da werza. Eur blijadur eo he darempredi, Sell kaer he daoulagad doun a ra d'an dud plega d'he bolontez. Hep na fellfe d'ez i e tenn he dremm daoulagad an dud warni, zoken pa vez etouez ar merc'hed yaouank all. D'ez i eo he doare bale, sec'h ha nerzus ez a he zroad d'an douar...

Responzet en eus en he c'halon da c'halvedigez Doue. D'he seitek vloaz eo e c'houlen Monik digant he zud an aotre da vont da gouent an Druez. — « Ya, emezo, pa ho pezo eur bloaz war n'ugent. » Peanius e kavas Monik an dra-se.

Diwar neuze e veve, e gwirionez, kement ha ma helle, buhez ar gouent, en eur gastiza he c'horf, en eur zioueret

eun draig bennak en he frejou, nemet d'argoneliou ; an derveiou all e c'houenne digant he mamm aotre da sevel d'he c'hambr gant eun tamm bennak evit ar beorien. Epad he bloaveziou diweza er bed, e oa arc'hant d'ezi he-unan etre he daouarn : e aluzennou, e oferenou pe e kalanna d'ar re a gare en dro d'ezi e troe he leve.

Deski reas he-unan ar « Stenografi » hag eun tamm latin ha gregaj. Heulia rae lidou an iliz gant kalon goude beza desket anezo e Kannadig Lophem-lez-Bruj, skrivet gant Tadou Sant-Beneat. Atao e veze e tal he fenn-vele al levr oferen a blije kement d'ezi, ez vihanik, epad euriou ar c'hlas : karout a rae pedi gant an Iliz ha harpa he feden ouz peden an Iliz.

Skiant eul louzaouerez er Groaz-Ruz e pourchasaas iveau Monik.

Aketus e oa da labourat evit an ilizou paour, evit an aoteriou, en eur vroda gant he dorm mibin.

Ijin en doa iveau, ez yaouank, da liva taolennou. Souezus da velout eo ar re a zo chomet war he lerc'h, met amzer n'en doa ket da lakat an talant-se da daIvezout.

Ken leun oa he dervezou !

Mintin mat e save... Chomomp eur pennad da velout he spered a beden, ar spered a zevasion ken bras enni...

Ez vihanik, en doa guelet he c'herent hag he mestrezed ne gave morse re hir an amzer en iliz ; dre ma vrassae, ne reas he sec'het a draou Doue nemet kreski.

« C'hoant hoc'h eus da gemer penn an hent ? Pedit... a skriv Anjela a Foligno. C'hoant hoc'h eus da greski ? Pedit... C'hoant hoc'h eus da sevel war ar menez ? Pedit... Beza parfet ? Pedit. C'hoant hoc'h eus da bignat uheloc'h eget ar sklerijen ? Pedit. » Hag evit kaout donezon vrass ar Garantez, c'hoantaet eus holl nerz he natur, e pedas Monik gant kalon, hep chan, hep fallgaloni. Skoet eo ar re a vev ganti

gant merkou he devosion. Netra nemet dre he skouer vat, dre he doare d'en em zerc'hel, hep her gouzout, e prezeg Monik, e tenn Monik ar re all d'he heul, ez eo Monik abostol.

« Lavarout d'eo'h ar pez am eus guelet eus devosion Monik hag ar santimanchou a voe em c'halon dirak ar gristenez kenedus-se, a ro d'in levenez ha c'hoant da wel-lât, a skriv eul Lean. Klask a rin he liva evel m'am eus he gwelet bemdez epad pemp bloaz, d'he barn evel m'am eus he c'homprenet.

« Evit lavarout ar wirionez, diskouezet e oa bet d'in evel mat evit ar beorien, koulz lavarout re vat.

« Noa ket devotoc'h egeti er barrez ; eno ec'h en en, ziskoneze kristenez d'ar prenn.

« Kavet e veze en iliz mintin mat ha bemdez. Ne vire ket ar yena amzer outi da zont ; na kaer eo kement-se !

« A-raok an oferen genta, alies e veze graet ganti Hent ar Groaz. An dervezou all e teue d'an iliz eun nebent minoudou a-raok an oferen, dremmet d'ezi. Eur wech d'an daoulin, e lake he levriou dirazi ; al levr oferen ha n'ouzon ket peseurt levr all. Ne veze ket pell he bizied lijer o verka pajen oferen an dervez.

« Dre respect evit lidou an iliz e komunie da vare komunion ar beleg. Lavaret e vije eun Ael pa zistroe diouz au Daol-santel. Pa gave an tu, awechou ez ae da gomunia gant Leanced ar Druez. Evelse e tanvae, a-raok an eur, al levenez da veza ar pez ez int. Eur respont da c'halvedigez an Aotrou Doue e oa marteze an dra-se. Hep mar ebet, e plije d'ezi beza ilin hag ilin ganto evit santout en he c'horf beza unan anezo. Evelse e komunie er C'hrist hag en he huvre. Evelse iveau e verke ar pez e oa.

« Ne voen ket souezet o klevout diwezatoc'h e sonje beza leanez e Urz ar Druez. Bras, krenv, ampart evel ma

oa, bez' e oa evidon skouer huvret eul. Leanez graet evit ar glanvourien, pe evit ar misionou.

« Sonjal a read kerkent e galvedigez Doue roet gant eur vouez douz ha nerzus war-eun-dro... Awechou goude benoz ar Sakramant kanet e kouent an Tadou evit peder barrez kér, ec'h en em unane gant Leanezed an Drñez evit derc'hel kompagnenez d'ezo. Skler e oa edo tennet gant Doue.

« Dre ar strejou dizeblant, da zerveziou ar Rogationou, ez ae gant eun toulladig tud feal da heul eun nebeut beleien, war evez eveldo da gana al Litaniou, henvel he-unan eus eur beleg dre he bale, gant he sell en he levr oferen.

« Da c'houel ar Sakramant e touge banniel ar Werc'hez d'ar prosesion pe sikoure dougen skenden an Itron Varia gant merc'hed yaouank all gwisket e gwenn.

« Neuze e rikle goustadik greun he japeled etre he bized. Nag a levenez ne gave-hi ket o lavarout anezan ! Meuleudi da Vari, pedennou kaset d'ez... Ne chome ket da bara he daoulagad du leun a dan... E diou pe deir broscession graet er barrez gant he rummajou tud, e chelled e'velse guelout anezi, bepred devot ; heb ehan e kouezan an Ave diouz he muzellou.

« Kalz a dud e vod prosesion relegou Santez Wodru adreuz strejou kér. Kinniget e vez metalennou, japeledou da douch ouz ar relegou, met nebent a zevosion. Mat, ne ehan Monik da bedi ; alao e paterie. Pe senrt tan, emonne, a zev er galon-se ? Petra lake he ene da sevel bepred uheloc'h eget ar bed-man ha da chom devot d'an Itron Varia ?

« He japeled ! Ret e veze bet he guelout o lavarout anezan en iliz ! A dra sur n'oa ket he rozera eur beden c'houollo hag inouüs. Diouz goueled he ene e tarze. Skler e oa e pede he

spered hag he c'halon. Souezus, e gwirionez, e oa he devo-sion d'ar Rozera.

« Ha mall en doa da veritout ? Ha fellout a rae d'ez trec'hi he nerz ? O pedi e'velse e vije lavaret e stenne wardu eur pal a santelez souezus. Gouzout a rae petra d'ober. Aes e oa guelout ne chomje ket da c'hoariellat. Kemm brasa oa etre ar yaouankizou foll hag hi.

« Sarret e ca he dremm hag en he daoulagad e teve en diabarz eun ellen a dan ha na skede ket kemnt pa gouez warnoc'h he sell. Evel mezek e tec'h an ene, rak, e gwirionez, he daoulagad a ziskouez he eae dem-guzet c'hoaz gant he dremm gwall-livet. Ennon va-unan, ec'h anven neuze anezi « al lilien vras ».

« Sonjal a raemp e oa e'velse hed an deiz he ene oc'h adori Hor Salver e Sakramant an Aoter. Evel eun ael, e gwirionez ec'h adore d'ar Yaou-Gambrlid, e tal an Tabernakl. Mintin mat e veze eao, meur a wech war an deiz, ha diouz an abardaez ; koulz lavarout bepred eta ! Ne vanke Morse da ofisou ar barrez ; heulia rae miz Mari, miz ar Galon-Sakr, miz ar Rozera. Evel eus an iliz e oa. Ha gwelloch c'hoaz, skouer e kemere diwar ar veleien dre he doareou : pa save ar veleien hi a save ; pa bleget o glin, hi a blege he glin. En he sav e veze epad ar *Magnificat*, stouet e veze he fenn d'ar *Gloria Patri*, daoubleget e veze izel d'ar goreou, oc'h adori an Osti savet. Beva rae servij Doue.

« Lavaret e oa bet d'in he zruez douz e kenver ar heorien hag an emzivated. E gwirionez ne oa desket netra d'in : ar mad a red. Hi hag a oa devot, hi hag a gomprene hag a gare lidou an iliz, hi hag a bede ken kalonek, hi a dilec en em westla d eun abostolaj bennak.

« Ha neuze, eun devosion ken nerzus a ziskouez eun ene krenv, eur feiz start hag eur spered a sakrifiz.

« En eur ger, evit troc'ha berr, yac'h ha krenv e ea a ene hag a gorf. An er en doa da gemenn da Zoue en he devosion, kement a volontez hag a nerz kemmesket a zous-ter a oa enni.

« En eur ziskouez e kare hag ec'h ouie pedi mat, e voe abostol.

« Evidon-me e oa skeudenn barfet an devosion, an hini zo er galon... ha war an daouarn... Eun ene pinvidik a zonezonou. »

III

Guelet hon eus er pajennou diweza galvedigez Monik o startât hag ar skouer vat a roas en-dro d'ezi. Poaniomp breman da zisken en he ene evit klask kevrin he buhez dreist-natur hag he aked da labourat evit ar re all... Dre ma pede, Monik en doa cun ene leun a *Garantez*.

Ar Garantez-se o kreski d'he heul ha da heul he sakrifi-sou eo a roas d'ezi he santelez.

Da stourm en devoe c'hoaz... Terr e oa Monik en he santimanchou, prim da gemenn. « Ret e voe d'in alies, a lavar an itron Deleru, digas da sonj d'ezi e oan aze evit kemenn : neuze ec'h anzave e vele he defaotou, met ne ouie ket o reiza. » Madelez Doue o leze ganti evit kuzat he donezonou burzodus, he dalc'hen izel a galon, kreski he meritou... ha dre ma oa umbl ne fallgalonas Morse en hent wardu Ennan ; klask a rae tizout Doue, ar garantez hep muzul, dre ar sakrifiz anezi he-unan.

« Evit en em santelât n'eus nemet en em rei da Zoue a greis-kalon. « Kar ha gra ar pez ac'h eus c'hoant », a lavare sant Aogustin, rak mar karez Doue ne ri nemet oberou a garantez, e tec'hi diouz an drouk a zistruij ar garantez, e tioualli diouz an danjeriou a hell he c'holl. »

Kompenet en eus Monik e vez o ret d'ezi seveni he galvedigez, en em rei da Zoue *dre Garantez*... Kompenet en eus iveau e tie « rei d'Ezan he c'halon a-bez » hag ober dre garantez ar pez a zo d'ober a eur da eur, dougen ar groaz a zigouez tec'hout diouz an drouk difennet. Mar ne sonj ket e Doue d'an eur-se evit rei d'Ezan he c'halon, n'eus ket aon : en em roet ez eo pell zo... Kinniget eo bet he holl oberou da Zoue... Bez' ez int frouez eur wezen roet da Zoue meur a vloaz 'zo hag as-roet mil gwech.

« En em santelât, a skriv en eul levr kaer an Tad

Schryvers, a zo eta en em rei da Zoue d'an eur a-vreman dre eun akt a garantez birvidik, en em rei d'Ezan evit ober e volontez, pepini ervez e nerz hag e sklerijen, o lezel anezan d'ober eus e groudur ar pez a gar, o rei d'ezan an amzer dremenet hag an amzer da zont, o karga anezan da velout, da reiza, da rapari pep tra... »

Monik a onie iveau « ez eo ret, pa vez c'hoant da garout Doue, en em ankouât hag en em rei d'ezan hep marc'hata, eur wech evit mal. » Neuze « e tle an ene disken e Done evel eur maen stlapet en islonk. Biken ne zistroy ar maense d'an nec'h ha morse ne servijo da labour an den. » Setu ar pez a fell da Vonik ha netra ken.

Her c'hlask a ra hep skuiza dre he devosionou-graet d'ar prenn, ne vern penaos ez eo troet he c'halon ; her c'hlask a ra en eur zeski Doue gwelloc'h ; her c'hlask a ra o sonjal e pasion hag e poaniou Jezuz-Krist ; her c'hlask a ra er sakrifiz, en donezon anezi he-unan... Nag a dro eviti d'en em sakrifia !

Da stourm en devoe, da genta, enep d'he natur entanet ha nerzus... Poaniou en devoe da c'houzant, digaset gant Jezuz ; poaniou hag a vrev hag a zistag, « poaniou ha ne vezint gouezet morse war an douar », a skrive Tereza ar Mabig Jezuz, dre ma 'z int re galet ha kuzet er galon...

Da c'houde, ar sec'hed a vuhez relijus a vire he zud outi da derri war an eur. D'he naontek vloaz, d'ar 43 a viz here 1924, en doa Monik Renevezet he goulen, met hep beza selaouet : ret e voe d'ez i gortoz he bloaz war'n ugent.

Ha c'hoaz mil sakrifiz all graet dre garantez, e doare Santez Tereza ar Mabig Jezuz, ha kuzet dindan eur mousc'hoarz.

Hag erfin ar bed a voe ret d'ez i chom ennan hag ober ennan he deveriou a verc'h ofiser uhel e karg. Hag eeun

hag eeun e oa an tad evel lorc'h ennan gant e verc'h hena.

Koulsgoude, nebeut ha nebeut, tapet a-bez gant he huvre, e veve Monik er bed hep kemer perz en e vraoigou... Izel e chome a galon, re izel ervez he zad a lavaras d'ez i meur a wech p'en doa-hi da vont gantan : « N'am eus ket ezomm eus eur baourez ganin », an dra-se, evelato, hep gourdrouz met evit rei d'ez i da gompren e oa re zister he dilhad. Eun abaden goude e tistroe Monik gant dilhad bravoc'h.

Alies ez eas gant ar major Deleru etouez an ofiserien, he-unan awechou egiz plac'h yaouank. Met war eun dro eech' onie Monik gounit ar c'halonou ha kemenn ar resped... Bez' e oa dreist traouerez an douar; sevel a rae an eneou hag ar c'halonou netra nemet dre he dremm seven ha din...

Diouallet e oa gant Karantez Doue...

He skol, he deveriou er familh hag er bed, he oberou a leunie he deriveziou digoret abred. Gouzout a rae lakat leurz en he labouriou. Prest e veze atao da servija he c'herrent, ha gant pebez kalon dener ! « Pa oan klanv, a lavar he mamm garet, e veze Monik noz-deiz war va zro, prest atao da seveni va menndou. Ret e veze d'in, pa zeue an noz, kemenn d'ez i eun tamm diskui ; diwezat e vcze o vont da gouskat ha bemdez e save a-rack pemp eur ; met berroc'h e oa he devosionou pa oan klanv ; eun aoter en doa da ficha evit digemer an Aotrou Doue a veze digaset d'in bemdez. »

Etouez an oberou e labouras Monik enno, ema da genta « Emgleo Katolik merc' hed yaouank ar Beljik ». Karout a rae he c'helc'h-studi a greis-kalon.

« An enor hag ar blijadur am eus bet d'en em gaout gant Monik Deleru e kouent an Ursulinez, er skol reizet

er bloaveziou 1923-1926 gant Unaniez ar merc'hed katolik evit deski relijon ha « Sosiojji ». Ret eo d'in anzav n'am eus dalc'het sonj eus an amzer-se nemet eus dreemm eveziek Monik, e skriva an aotrou Larsimont. Rejant O. S. Mons. Met da fin ar bloavez 1926, o veza diazezet eur c'helec'h-studi evit merc'hed yaouank Unaniez Katolik ar Belijk, tro am eus bet da velout Monik pep miz en eur sal eus Ti micherourien Mons.

« Hag e hellan lavarout e voe Monik aketus ha seder er bodadegou hag en devoe komprenet gwelloc'h eget den talvoudegez an emgleviou savet evit ar yaouankiz hag an holl vad a hell ober al Labour Katolik graet gant tud ar bed en tachennou sarret ouz ar beleg.

« Klask a raen lakat an demezelled da labourat pephini d'he zro, evit rei tro d'ezo da hardisât, da zastum mat o sonjou hag evelse da sederât ar c'helec'h-studi.

« E gwirionez, souezet e voe an holl o kaout e Monik eur spered digor, bolontez vat, aked da labourat heb argila pa veze lavaret d'ez n'oa ket al labour ouspenn d'ez. Muioc'h souezet e voen c'hoaz o velout o kreski enni, gant ar youl d'ober vad, ar c'hoant da zeski ar skianchou a sell eus an dud o veva e kevret. Meur a wech e trugarekeas ac'hanon da veza diskouezet ar vuvez evel m'ema hag an doare d'he beva.

« Hep beza bet amzer da zivizout kalz gant Monik, gellet am eus guelout e taole pled em c'homzou etouez merc'hed yaouank dizeblant, ha skoet e voen gant he doare da vleina darempred an dud etrezo : lemm e oa he spered, entanet he c'halon evit an Oberou katolik. »

« Epad an eil bloavez skol reizet e kouent Leanezed Santez Ursul gant Unaniez Merc'hed Katolik ar Belijk, eo am eus anavezet Monik, a skriv d'eomp eur plac'h yaouank ens he oad. Buhan e teujomp da veza mignonezed bras. »

« Pa ne veled nemet he ment uhel hag he dreumm terr, e fazied o kemer anezzi evit eur plac'h yaouank lorzh'hus. Gouzout a rae, a drugarez Doue, gounit an dud diwar an taol kenta, dre he doare seven hag he c'harakter seder hag entanet. Leun a spered, douget d'al labour, dont a rae abenn eus an traou diaesa ; uhel e save he sonjou.

« Enni pep tra a c'houenez ar c'halonou. Pep tro p'en em velemp, e krenvae liammou hor mignonaj ; evel diou c'hoar e oamp, zoken d'ar bloavez 1926, pa savas an aotrou Larsimont eur c'helec'h-studi evit ar merc'hed yaouank eus an A. C. J. B. F.

« En em voda raemp eur wech ar miz evit deski penaos e tle an dud a bep stad darempredi etrezo. Hep dale ives e voe goulennet sikour ar merc'hed yaouank wardro an oberou katolik. Kerkent en em roas Monik d'an oberou-se, ret e oa guelout gant pebez kalon ! N'oa ken kaoz ganti nemet d'ober vad muioc'h-mui bemdez. Prisiou e voe he sikour, dreist-holl pa venne d'ar re all fallgaloni. »

« Setu aman eur pennad eus eul lizer skrivet ganti eur wech er gouent hag a ziskouez he mennadou en amzer-se :

« Ne gredfec'h ket, va mignonez, pegement e choman stag eus hor c'helec'h-studi ! Her prizout a raen kement ! met breman hepken eo e komprenan mat awale'h e dalvoudegez ; ken mat oa e spered ! Ennan da vihana e tes-kemp ar vuvez wirion gant he zrbuiliou ; ennan e tes-kemp beza, n'eo ket merc'hed yaouank ha ne sonjont nemet er blijadur, met merc'hed yaouank kalonek prest atao da labourat a zevri evit frealzi, konforti ar beorien dizesk ha dilezet ha dre-se gwalleurus ; ennar e oamp c'hoarezed dre ar garantez kristen... Nag e karfen guelout ar merc'hed yaouank all o kompreñ ar c'helec'h-studi evel m'her c'hompreñ, evit hen darempredi. (31 a viz here 1927).

« Kaout a rae koulsoudou an tu da labourat ; gueladen-nou d'ar glanvourien ha d'ar beorien ; sikour d'ar « Berad laez » evit bugale soudarded ; kefridiou war varc'h-houarn da gas paperou pe da lakat ar vugale da c'hoari epad an ehan-studi ; paperou da zerc'hel e urz, hag all... hag all...

« Ha pegeen seven n'oa ket he mousc'hoarz pa c'houlen-ned diganti sikour ha skoazel ! »

« N'eo ket bet diaes d'in gueilout pegement e laboure Monik evit silvidigez an eneou, a skriv eus e du an aotrou Breguenier, aomonier soudarded Mons. Diwar an dervez ma c'houlennis diganti teurel pled en oberou savet evit ar soudarded, ec'h en em westlas d'ezo a greis-kalon. Kavet en doa e ti he zad eur garantez vrás evit an arme hag he c'hoant d'he gounit muioc'h-mui da Jezuz ne reas nemet kreski en eur santelat he c'harantez.

« Kaout a rae d'ezí ne c'houlennen ket sikour awalc'h diganti. Bepred e veze o klask labour, ne vern pe seurt : diouall ar vugale, skriva pe denc'hel ar rollou en urz a zeiz da zeiz, pep tra a blije d'ezí. Rak-se pa zeugas Doue d'he gervel evit Seez, ne ouie ket penaos amzav d'in ar c'heuz en doa da zilezel eun abostolaj karet.

« Diwar neuze n'helle mui nemet pedi evit an oberou-se ; her prometi reas d'in dervez ar c'hihiad ha pep tro ma roe d'in eus he c'helou. Doue oar en eus-hi dalc'het d'he ger ! D'ar pedennou entanet-se e tleomp da velout an oberou-se act ken buhan war gresk.. »

Unan eus joaiou Monik a oa mont gant Leanezed an Druez da velout ha da louzaoui ar glanvourien baour. Dija e teske ar vicher e raje ware'hoaz.

« Labourat evit ar re all, n'eus nemet an dra-se hag a dalv », e skrive- hi d'unan eus he mignonezed. Hag e servij pep tra ha pepini e vez al labour-se.

■ ne veler ket merc'h an ofiser, epad eur c'hlenvyed

diwasket gant kloc'her Sant-Nikolas, o kemer e lec'h evit mirout ouz e wreg war an oad d'en em skuiza, hag o sevel he-unanken brao ha tra en tour da seni Anjelus ar mintin, ar c'hereisteiz hag an abardaez, oferennou c'houec'h ha seiz eur, betek m'en do ar c'hlloc'her adkavet nerz e vrec'h.

Setu aze Monik : mat, seven, nobl.

IV

Emomp e Miz here 1927. He bloaz war 'n ugent en devezo Monik d'ar 15 hag ema o vont da echui ar pennad amzer gortoz laket d'ezi gant he zud evit guelout ha start eo he galvedigez hag aotreet gant Doue.

N'o deus ar major hag an itron Deleru douetanz ebet ken war c'halvedigez o merc'h hena. Neus d'en souezet ebet ; daoust ha buhez Monik n'hen embanne ket skler awalc'h? Bet en eus epad ar pemp bloaz-se Leanezed an Druez dirak he daoulagad evit he c'hennerzi en he « harlu », met ne rae an dra-se nemet kreski he c'hoant...

« Va Mamm enorus, e skrive-hi d'an 31 a viz genver 1933 da Superiorez an Druez, gant kalz a blijadur e teu ho pugel da ginnig d'eoc'h e wella rekejou a vloavez mat, sautel hag eurus. N'hellan ket, siouaz! hen ober a c'hinou, met a greis-kalon ha gant ar vrasha devosion e kemeran perz e naved an Urz. Kinnig a ran d'an Aotrou Doué, dre zaouarn ar Werc'hez gloriou Vari, va holl fedennou ha va mennadou evit ma plijo gantlan, eus e du, rei d'eoc'h ha d'hoc'h Urz e vennoziou divin.

« Siouaz! n'am eus ket a gelou mat da gas d'eoc'h, rak bete vreman e talc'her mat d'an oad merket d'in ha n'am eus fizianz ebet da vont kentoc'h d'ar gouent; koulsgoude, en despet da bep tra, esperanz am eus da velout an harlu krennet ; pedi ha gouzany a ran kement!... Eurus oum o sonjal e kas an trubuilhou-se ac'hanou dre eun hent hir met asur wardu ar pal kement gedet. Gortoz a ran pep tra digant ar Werc'hez Vari ha digant ar Plac'h eurus Tereza ar Mabig Jezuz ; fizianz am eus e roystouman d'in ar c'hras kaer-se d'an dervez ma vez hep dale diskleriet santez ; n'hello nac'h netra ouzin an dervez-se. »

Ne voe ket roet ar c'hras-se d'ezi. Met, erfin ! deut e oa

an dervez merket hag, aotreet gant he zud, e pourchasas Monik ar c'chimiad laket d'an 19 a viz here.

O lavarout kenavo e tremenas an dervezioù diweza.

Nag a boan evit ar galon-se karadek, entanet ha tener, oc'h ober ar sakrifiz eus ar gér, eus he c'herent muia-karet, eus he c'boar vihan, eus he mignonezed hag eus he oberou !

Da eur ar c'chimiad diweza e teu sonj d'ezi eus kement tra en eus sikouret anez i evel plac'h yaouank da ren eur vuhez frouezus, kaer, dous, daoust da zrez an hent ha d'ar poaniou a drenk pep levenez en draonien-man. Sonj a zeue d'ezi eus he beajou kaer graet gant he zud.

Ez vihanik, d'he fevar bloaz, pedet en doa dirak Itron Varia Lourd. Ne voe Morse distrujet ar merk aet ken doun en he ene.

D'ar bloavez 1919, evit an eil gwech en em gave chars treid ar Werc'hez dinam evit kinnig d'ezi he mennadou hag he galvedigez. E Paris, e kasas he devosion anez i ilizou ar Galon-Sakr hag Itron Varia ar Viktoriou.

Er bloaveziou 1920 ha 1921 e velas aotchou ar Beljik ; er bloavez 1922, an Alamagn : kana reas he ene frommus dirak ribl ar Rhin, e gestel koz gwintet evel neizou erer war rec'hier uhel, e dier eslamamus savet e rez ar ster vrax pe guzet er c'hoajou doum. Guelout a reas an eil warlec'h eben : Aix-ar-Japel, Kologn, Wiesbaden, Düsseldorf. Er bloavez 1923 ez eas d'an Itali : kaer e kavas eno an oabl glas ha morse ne ankouas ar maezion ledan gant o guez trist o lenva e tal paleziou dismantret pe e kichen hezion guenn. Guelout a reas Turin, Milan, Veniz. E Turin e stouas he fenn dirak al linser santez. Ac'hano e teus d'ar Savoia. E Aunesi, e tremenas eur pennad amzer war ribl al lagen hag e kavas beobuhezek ar sonj eus Sant Fransez a Sal hag eus Santez Jann a Chantal. Morse ne lezas a gos-



MONIQUE DÉLERUE, Jeune Fille

tez he deveriou a zevosion epad ar beajou plijadurus-se. Eus he beaj e Annesi e talc'has eun devosion entanet betek fin he buhez.

Er bloavez 1924 e kavomp anezi e Middelkerk. Eviti e oa bepred eun dudi beza war ribl ar mor, met adalek an amzer-se ne zeas mui da neun ha dija, evel eul leanez, e tec'he diouz an neuerien.

Er bloavez 1926, e voe adarre e Lourd, da viz guengolo ; neuze e oa eno pec herinajou bras. Lufr e roe d'ar gouneliou ha d'an ofisou ar Chardinal Maurin hag an aotrou 'n eskob Poirier. Souezus e oa eno niver an dud. Dont a reas Monik a-benn da gaout eur bennoz eviti he-unan digant ar Chardinal laket ganti e kevrin he galvedigez. An drede gwech a oa d'ezzi da vont da Lourd, hag ar wech diweza. Tremen a reas dervezioù penn-da-benn er Grott hag en iliz-veur. Ac'hano ez eas da Sant-Sebastian er Spagn ha da Viarritz.

Monik a gare guelout broiou ha kériou, pourmen war ar maeziou heoledet, sevel war ar meneziou uhel ; n'oa ket par d'ezzi d'ober ar vicher-se heb en em skuiza. Gant he zad e rae peurvuia he fourmenadennou : e c'hoariou diskuiusoc'h e kemere perz an itron Deleru ha Mari-Jenovefa...

En he c'halon, e lavare Monik kenavo d'ar beajou-se o doa uhelaet he ene ; kenavo e lavare da joaiou dous ar familh ha d'ar blijadur da sevel war gein « Margerit », marc'h ar major Deleru.

A dra sur, n'en doa keuz da netra ; met da eur ar c'hi-miad e kave Monik douster gant an traou-se.

Ha neuze, ret e oa d'ezzi kuitât he bro gaer, ar Beljik, ha dre ma kare kalz he bro e voe bras he sakrifiz.

Rannet e voe ives he c'halon pa voe ret kimiada diouz he mamm garet. Graet en dije ne vern petra evit diboania

he mamm hag ez-vihanik dija ec'h ouie sec'hi daelou he daoulagad. Ha ne oa ket hi bet guelet, eun dervez, o kinig d'ezi eun daolen goude beza skrivet warni en he yez a vugel : « Na ouelit ket, mammig ; pedi 'ran kalz an Aotrou Doue evit na rin poan ebet d'eoc'h Morse. »

Hag ar vamm-se karet gant kement a deneridigez, edo Monik o vont d'he dilezel evit respont da c'haly Doue.

« N'eo ket d'in ouzin, en doa lavaret ar Mestr, an neb a gar e dad hag e vamm muioc'h egedon. »

Dreist pep tra e kare Monik an Aotrou Doue, hag evitan, seder ha laouen e kuitae pep tra.

Met an holl sakrifisou-se, Monik o greas a greis-kalon, eus he holl ene, gant holl nerz he bolontez, hep sellout war he c'hiz... Pemp bloaz a oa en doa-hi huanadet warlerc'h an donezon leun, ha deut e oa an eur!...

* *

Chomomp eur pennad da studia Urz an Druez, an Urz edo Monik o vont ennan ; aesoc'h e vez d'eomp goude-se mont ganti dreist treuzou benniget ar gouent.

« E gwirionez ez eo ar garantez sklerijen Doue, divent eveldan e-unan, a skrive Rosa Ferucci. An neb en eus tapet eur bann outi en e galou a dle hen rei da santout d'ar bed holl. »

« E kalon ar sent e chom ar garantez divin-se evel eienen o oberou, o nerz-kalon, o sakrifisou, o hardizegez. Savetei reont ar bed dre ma ouezont karout.

« Daoust ha n'eo ket ar garantez divin-se o labourat en eneou eo o laka da sevel, d'an eur merket gant Doue, an Urziou, an oberou diniver a vleun ken dudius e liorz an Iiz?

« Ha n'eo ket karantez Doue eo a oa e kalon menec'h bras ar Genn-Amzer o deus kenteliet ar bobl ha savet an ilizou-meur? Dont a raent, en o saeou gwenn pe rous, en

amzer-se hag e oa enni terr an dud ha garo ar c'hizion, evel skoueriou beo Jezuz-Krist, ar vadelez, ar sakrifiz o skedi war o zal... Karout a reomp ar memes tan e Tadou Urz sant Bruno hag e Tadou Urz sant Bernard, tud hag a zibabe lec'hiou sioul ha didrouz evit en em-rei d'ar beden, d'ar studi ha d'allabour.

« Daoust ha n'eo ket ar memes karantez divin a oa e ene ar re o deus diazezet Urziou edoug ar c'hantvejou? Hag ar garantez-se, he c'haout a reomp, skedus ha frouezus, e kalon an Tad Bazin, diazezour Urz Leanezed an Druez, ema o Mamm-Di e Seez, en Orn.

« Guelet en eus, eus eun tu, peorien hag a varve en o zi, en dienez, hep sakramanchou, en tu all, eun niver bras a verc'hed yaouank c'hoant ganto mont da leanezed heb her gellout, dre n'hellent argoulaoui. Truez en eus ouz an diou dienez-se... Dastum a ray eta ar merc'hed yaouank-se hag heb eur gwenneg, hep skoazel, harpet hepken war ar Brovidanz divin a vag laboused an nenv hag a wisk lili ar parkeier, e westlo anezo da servij ar beorien, ar glanvourien hag an an dud en o zremenvan.

« Abaoe ouspenn kant vloaz'zo, e kendalc'h ar burzud. Ar c'halvedigeziou a zo aet war gresk : tier an Druez — pemp hag hanter-kant anezo — a zo skignet e Franz, er Belijk hag e Bro-Saoz, hag eun abaden 'zo, en dro da Bariz.

« Ne glask al Leanezed umbl nemet gloar Doue, silvidigez an eneou ha mad ar glanvourien ; war ar marc'had e teu d'ezo an traou all. Ervez o Reolen ne c'houennmont Morse netra. Dont a reont a bep korn eus Franz, meur a hini eus ar Belijk, eus Bro-Saoz hag eus an Irland. Er bed e oant a bep stad. Gant ar memes mall e vez digemeret en Druez merc'hed yaouank pinvidik ha re baour. Meur a wech int deut e kevret da azeza war skigner an Novi-

siad. N'eus kemm ebet mui etrezo : parezed ha c'hoarez int kement ha ma hellont e karantez ar C'hrist.

« Evel argoulou ne c'houlenner diganto nemet bolontez vat ha devosion. O lakat kemm etrezo n'eus nemet ar vertuz.

« Klevet o deus holl e goueleg o ene mouez Hor Salver : « Guel, va merc'h, ar glanvourien dilezet, an trubuilhou niverus hep konfort, an eneou doaniet war-nez fallgaloni ha mont da goll ; kea da rei skoazel d'ar re a zo er boan ; bez' ez int va mignonned, va breudeur, ro d'ezo da labour. Zoken er bed-man e kavin an tu da rei d'it eürusted er sakrifiz ha da asrei d'it kant gwech muioc'h eget n'ez pezo roet d'in. Bez' e vezin, me va unan, da rekompaz, bras meurbet. »

« Klevet o deus, a-dreus ar c'chantvejou, o tont betek enno komzou Hor Salver bepred gwirion : « Gwelloch eo d'eoc'h mont d'eun Ti a boan eget d'eun ti a blijadur. Barinet e vezoc'h ervez m'ho pezo barnet ar re all. Kalz e vez pardonet d'an neb en devezo karet kalz. Eürus an dud truezus, rak truez en devezo Doue outo. »

« Gouzout a rae al Leanezed en em westlet da Zoue er beorien hag er glanvourien ez eo act Hor Salver Jezuz Krist kalz pelloch c'hoaz, betek ober unan ganto : « Ar pez ho pezo graet d'an distera eus va breudeur, d'in-me eo ho pezo her graet. »

« Hag ez eont, bepred brokus, o sonjal er bromesa konfortus roet gant Hor Salver da sant Yann-Doue : « Yann, evidon e kemeran an holl vad a rez d'ar beorien. O gouliou a zo va re ha d'in-me eo e walc'hez va zreid pa walc'hez treid da vreudeur. »

« Al leanezed-se ken kuzet, o guelout a reomp skedus a deneridigez hag a garantez : « Bez' ez pezo bugale ha n'ez pezo ket ganet hag anvet e vezi ganto o mamm. » Ya,

mammou int, « ar servijerez feal-se karget da ranna d'ar mare ar poezellad winiz » ; mammou int, ar merc'hed souezus-se a laka pep bloaz etre divrec'h Doue kement a vugale dianket salvet gant nerz ha douster o c'harantez. Da hanter-kantved bloaz unan anezo, e nivere al Leanezed an nozvezioù tremenet ganti e tal guele ar glanvourien hag an dud o verval, hag e kavent 3.300 nozvez.

« Breman zo eun nebeut bloaveziou, e Asiz, e peden dirak korf santez Klara, er gouent ez eo beihilhet atao gant he merc'hed ; em spered e teue eur ger dudius lavaret ganti en he zremenvan d'eun Tad a Urz sant Fransez a oa war he zro : « Va zad, peseurt kelou hoc'h eus a Zoue ? »

« D'allojouez a Leanezed an Druez ha d'ar c'hrignoliou, da gement lec'h ez int galvet gant poan an dud, evit deski d'an eneou doaniet e paourkeas korfou reuzeudik « eun dra bennak a nevez eus an Aotrou Doue ». Aslavarout a reont dre o buhez penn da benn : e garantez, e vadelez, e druez hep termen. Hada reont karantez evit eosti eneou. Evel ar C'hrist e karont ar paour. Enno e velont anezan ; evito e reont ar sakrifiz a bep tra.

« E sakrifiz en em ro Leanezed an Druez, gant levenez, evit o c'hlavourien hag o feorien ; da genta ez eont, hel lavaret hon eus dija — ervez ar Reolen ez eo o dever — d'an dud ar muia dilezet, ar muia reuzeudik, d'ar re a zo war-nez koll o ene. Ne spontont na dirak an nozvezioù-beilh, na dirak ar c'hlavourien pegus. Hag ouz o guelout bepred o vousc'hoarzin, bepred dous ha seder, ez eo teneraet kalou ar c'hlavour gant kement a garantez ; gouela, pedi, distrei ra da Zoue. Al leanez, hi, echu he labour e kichen unan, a red da gichen unan all evit e barea hag e savetei. Ne sell ket outi stad ar c'hlavour er bed, ne vel ennan nemet an Hini a zo deut dre e vuhez

dreist-natur da veza búhez he buhez: Jezuz Krist. »
Etouez an eneou dibabet-se, en Urz kaer ha sperius-se
edo Monik o vont.

D'an 19 a viz here, aotreet d'ober he sakrifiz evit ar
glangourien hag ar beorien, e kemeras merch'h hena ar
major Deleru hent ar gar, gant he zad; falvezet e voe
gant heman he lakat e-unan etre daouarn Superiorez Mons,
an hini a dlee kas anez da Novisiad Seez.

War ar c'hae e chomas ar major betek loc'h an train,
c'hoant gantan ampell ar muia gwella ar c'himiad diweza.

Ha d'an 20 a viz here 1927 e taolas Monik eun troad
dichek dreist treuzou an Druez, gant ar volontez d'en em
rei da Zoue ha d'ar beorien evit Doue : betek ar maro...

Sellomp outi o sevel.

=====

V

En eun doare karantezus ez eo digemeret Monik gant
ar Vamm jeneral hag ar Vamm Mestrez an Novisiadezed.
An digemer c'hoek-se a denera he c'halon ; n'eo ket souezet
koulsgoude, rak anaout a ra madelez he Mammou nevez
dre vadelez ken bras Mamm X..., Superiorez Mons. Hep
dale ez a d'ar japel, da heul he Mammou, evit ober ar
c'hiz, hag eno, o koueza d'an daoulin, e reas Monik d'he
Mestr muia-karet an donezon anez he-unan : « Setu me
aman, o va Doue, evit ober ho polontez. »

« Setu me aman ! » o ya, setu li gant he mennadou
nerzus, gant he holl bolontez da vont betek penn ar sakri-
fiz, betek penn ar garantez. « Setu me aman ! evit ho kloar,
o va Jezuz, evit ma teuy ho rouantelez, evit ma vezoc'h
muioc'h karet, gwelloc'h servijet, evit ma reoc'h ho pen-
noz d'am zud vat... »

Er c'homzou-se en em goll ene Monik : « Setu me
aman ! » Lavarout a reas d'unan eus he mignonezed
santimanchou he c'halon da eur boanies ar c'himiad :
« Va mignonez karet, kalet eo bet ar sakrifiz, met an
Aotrou Doue a re ar c'hras a zo ret evit hen ober. Eurus
oun en eun doare divent. Ennon e ren ar peoc'h. »

Koulsgoude ne gemeras ket c'hoaz Monik he lec'h en
Novisiad. En Druez ema ar c'hiz da lezel pemzek deiz ar
plac'h yaouank e porched an Templ ; epad an amzer-se ez
eo fiziet en eul leanez hag a zesk d'ezi ar pep brasa eus ar
Reolen, petra eo eul Leanez a Druez, peseurt devosion a
vez graet er gouent. Hed an amzer-se n'eo nemet « huana-
derez » — *Aspirante e galleg.*

Alies e vez neuze nec'het ar merc'hed yaouank savet
keuz ganto d'o familh ; awechou zoken e vez evito stour-
majou rust, touellet ma vezont da sellout war o c'hiz. M'en

devoe Monik da stourm, ne voe Morse touellet da sellout war he lerc'h. Graet ha graet mat e voe bet he sakrifiz...

Inouet e voe koulsgoude d'ar penn kenta ha nec'hét ha souezet e voe. Hi, ken kalonek, boazet da chom pell en iliz, met boazet iveauz da labourat, a ginnigas mouga, dindan ar Reolen, e kreiz an traouerez a veze laket d'ober, evel gwriat, skuba.

« Ar bed a c'hoarsfe dirak an oberou dister-se, mil ha mil anezo, hag a wask pa vezont graet mat, hag epad hir amzer, eun natuc dishual evit rei d'an ene ar peoc'h hag al levezenez leun. » Kalet e voe ar c'houriz evit Monik.

Goude eun nebeut-dervezioù, e kavas ar Vamm enorus anezi e toull dor ar japel, stenn he dremm.

« Petra zo 'ta, Monik ? Ne' za ket mat an traou ?

— O va Mamm, n'en em anavezan ket ken !

— Gwir eo, n'oc'h mui ar memes hini, n'oc'h mui Monik Deleru, met danvez eal Leanez a Druez. »

Hag, evel ne zistenne ket he dremm : « Ha sonj ho poa da genderc'hel en Novisiad buhez an amzer dremenet ? E vije kemennet d'eoc'h gant ho Superiorezed sevel war varc'h pe varc'h-houarn evit mont da brezeg e kér ?

— O nanu ! gouzout a raen mat petra oa ouz va gortoz ; met ne greden ket e vije ken start !

— Kement-se e koust beza Leaneza an Druez ; eur mousc'hoarz, Monik.

— Mousc'hoarzin a ran, emezi, met aet oun skuis. »

En dro d'ezí koulsgoude n'hellas den guelout he holouez o plega. Poan en eus, stourm a ra, met gouzout ha santout a ra beza war an hent mat... Deut eo evit-se.

Ha war eur paper skrivet ganti e kavomp er penn kenta ar goulen-man : « Mar tlefen mervel en noz-man, penaos e karfen beza tremen et dervez ? »

Ouz ar sklerijen-se n'hell ket Monik fazia... .

Neuze e teu sonj d'ezí eus goulen Sant Bernard outan e-unan evit kreski e aked hag e spered a sakrifiz en e vuhez el leandi : « Bernard, perak out-te deut aman ? » Perak e oa deut d'ar gouent, Monik her gouie ha dre eno ne gile ket dirak ar boan hag ar stourmad.


« Arabat d'in chom etre daou, a skriv-hi. Ober va dever penn da benn, holl deveriou va galvedigez ar gwella ma hellan... »

« Va dibabet en eus Doue. » Eul linén zo bet laket ganti dindan ar c'homzou-se ha goude e skriv c'hoaz : « N'hell ket Doue rei brasoch' gras d'eun ene eget tenna anezan d'ar gouent. »

Setu tremen et ar pemzek dervez harlu. Ema an eur da vont en Novisiad. Digoret eo an nor dirazi gant he Superiorezed. Gant lealded e favar Monik d'ezí he stourmajou, he santimanchou, he c'hoant krenvoc'h krenva da veza eus an Urz hag al levezenez laket gant Doue en he ene eye eur rekompaez eus he sakrifiz. Digemeret e voe neuze er familh vrás evel « Goulennerc » — Postulaute e galleg.

Niverus e vez atao ar Goulennerc hag an Novisiadzed en Druez ; Morse niverus awalc'h siouaz ! evit konforti an holl dud renzendik ha diazeza ker nevez goulenet e pep tu !... Resevel e voe eta Monik en o bandenn devot ha seder. Diwar neuze e heulias eksersisou an Novisiad, o pourchas ar vuhez a relijon hag o c'hortoz ar wel wen hag ar wiskamant a verko he gwasel abenn meur a viz. Reolen eur Goulennerc hed eun dervez en Druez, skrivet gant al Leanez Jozefa, abostol Cherbourg, a hentcho hag a sikouro ac'hanoomp da vont da heul Monik en he buhez nevez.

Da bemp eur e son ar c'hlouc'h evit ar wech kenta da c'hervel an eneou d'ar beden. Evel ma 'z eus bet lavaret d'ezí en Novisiad, e ra Monik sin ar groaz, e kinnig be



MAISONS-MÈRES. — Vue Générale

c'halon da Zoue hag e wisk buhan he broz dister, he mantel hir hag he boned gwenn. D'he c'hrusifi e pok, hag hep mar ebet ec'h aslavar da Jezuz ar c'homzou karet: « Setu me aman evit ober ho polontez ! »

D'an eil taol kloc'h, eo ret diskenn d'ar japel... Didrouz ez a hed ar mogeriou gwenn kann, eûrus, peoc'h an ti o respont e pep lec'h da beoc'h he ene.

Er japel e pleg he glin a-raok mont betek he c'hador kolo. War an Tabernakl e par he sell goude heza tanvaet gened al lec'h santel. Pet gwech ne dleed ket he c'hlevout o lavarout pa sikoure Leanez ar sekreteri: « Ha ! va japel gaer ! »

Da bemp eur hauter e lenn eun Novisiadez a vouez ubel pedennou ar mintin gant an orezon warlerc'h; pennad amzer dudius hag a ra d'an ene ankouât pep tra evit sonjal en Hor Salver. Ervez sant Paol, « au neb a zo unanet gant Doue ne ra gantan nemet eur spered », hag ervez sant Gregor, « lojeiz Doue eo ene an den santel. »

Ret eo d'an Novisiadez evel d'al Leanez kaout er vuhez eul lec'h da ziskuiza, da grenvât, d'en em laouenât ha da bourchas oberou mat. Al lec'h-se eo Kalon Doue e-unan. Ennan eo en em goller evit en em gaout hag evit heva outan.

« Da c'houec'h eur ha kart e kinniged sakrifiz santel an oferen. Aze, en eur gomunion virvidik, e kemer an ene nerz da stourm, glanded da sklerijenna, groez da entana... »

« N'hen ankouait ket, a lavare sant Visant a Baol d'e verc'hed, mar fell d'ec'h kaout an nerz-kalon ho pezo bepred ezomm outan, it da gomunia, it da gomunia ! P'en em ro Doue en e bez, nag aes ha dous eo en em rei d'ar paour, e skeuden ! »

« Komprenet eo ar c'homzou-se en Druez, rak eno e

vag al Leanezed o c'harantez evit ar beorien e karantez Jezuz-Osti. »

Da seiz eur, ez a Monik da zebri gant he c'hoarezed. Er sioulder e vez kemeret an holl brejou.

Neuze hell an ene en em laouenât. Hini Monik a dridas dirak ar bâourenteze en doa kement c'hoantaet ranna gant ar beorien hag a zo breman he lod. « Berniet eo al listri teo an eil war egile ; didammet int allies met krenv awalc'h c'hoaz evit herzel ouz ar stokadennou a dapont pa dremenont dre zaouarn re nervevnnus... »

« War ar memes linen eo renket ar picherou pri, o dorn troet da zisken chistr e guer ledan diaes da garga pa servijer al Leanezed. He flas e kemeras Monik war ar skigner koad gwenn ez eo ret o finval goustadik, hep trouz, pe lezel anezo re-bell eus an daol voued mar n'oاد ket bet buan awalc'h d'o zostat. »

« N'eo ket brao an traou-se marleze, met mat int evit an ene. »

« Hep dale, e sal vrás an Novisiad, elec'h m'eo aet Monik gant ar re all, e vod ar Vamm he bugale en dro d'ezi evit rei da bep hini he labour. »

Da skuba e nij lod, lod all da walc'hi al listri pe da c'hariat. Bez' o deus holl eun dra bennak d'ober ; ar re n'int deut nemet eun nebeut dervezioù 'zo a red da heul ar re all, hep roestla kuden ebet. »

« A hed an deiz ez eus eun amzer merket evit kentelion Istor santel, katekiz, medisinerez, hag evit prezegennou ar Vamm mestrez an Novisiadezed diwar benn deveriou bras luhez eul leanez. »

« Da greisteiz nemet kart en em gav an holl er japel, Gouennerez, Novisiadezed, Leanezed, evit ober o eksamin. Kontet e vez al lammou evit o rapari. »

« Da greisteiz, lein. Da c'houde, diskui. Ha ! richan an

Novisiadezed ! Levenez an eneou glan hag ar c'houstiansou e peoc'h, o frizout ec'h ouie Monik. »

« Da ziv eur nemet kart, e tistro ar sioulder hag al labour, hag e krog ennan Monik en eur boania da veva bepred muioc'h dindan lagad he Mestr adoret. En em gaout a ra adarre ehars e dreid da ziv eur hanter evit ar japeled dirak ar Sakramant. Da c'houde, dao adarre d'al labour. »

« Da beder eur hanter, ema al lennadeg santel dirak an Novisiad a-bez, ha diouz an abardaez, ervez an dervezioù, en em adkaver er japel evit ofis ar Werc hez Vari, pe evit an eur santel, pe evit hent ar groaz. »

« Warlerc'h an diskui goude koan, e vez graet e kevret er japel ar pedennou diouz an noz ha pourchaset orezon antronoù vintin hag e peoc'h, er glanded hag er garantez e kloz an dervez. »

Breman e hellomp heulia Monik kammed ha kammed en he buhez ; he notennou a lavaro d'ecomp stad he ene. »

« Va dervez hirio. »

« Hirio, pasianted, va ene ! Ar pez a blijo da Zoue e vez ware'hoaz. Da c'hortoz greomp e volontez. »

« Tremenet eo deac'h .. Hag eus ar pez am eus gouzanvet d'eac'h ne chom ganin poan ebet. Ganin e chomfe merit mar am ije he c'hinniget da Zoue. »

« Hirio e fell d'in poania gant merit, o va Doue ! Hirio n'eo nemet eun dervez hepken. Nebeut a dra eo hirio... Va Doue, hag ober hellan nebeutoc'h eget kinnig d'eoc'h poaniou ha skuisder eun dervez hepken ? Ra vez poaniou an dervez hirio, o va Mestr divin, holl evidoc'h, evit ho karantez ! O c'hinnig a ran d'eoc'h dre Galon dinam ho Mamm santel. »

Poueza ra, her guelout a recomp, war an dever d'en em santelat d'an eur a vreman, o'ch ober al labour zo d'ober. Skriva ra c'hoaz komzou ar C'hardinal Mercier, den santel

ha kalonek ar Beljik : « Youl an den a diz al labour zo d'ober breman. Lezel Doue da labourat ennomp ha senti pa gemenn, setu reolen buhez ar c'hristen. »

Poania ra da heulia ali an den eürus Grignion de Montfort : « Pa gavit an drubuilh war hoc'h hent, lavarit : bennoz da Zoue ! Va Doue, ho trugarekât a ran ; da choude kuzit e truez Doue ar groaz hoc'h eus gounezet ; ha neuze ne sonjat mui enno nemet evit lavarout : bennoz bras ! »

Kaout a reomp c'hoaz an notennou-man eus an amzer-se. Ger an abad brudet, Rancé, en eus skoet he ene kalonek :

*Beva, hep beva 'vel sant,
A zo beva 'vel diskiant.*

hag en em anaout a ra e komzou Lacordaire : « Bez' ez eus eneou hag o deus ezomu d'en em rei ha n'int eürus nemet eus an eürusted a roont. »

« Va galvedigez a zo dont da veza eur santez, a lavar-hi gaut santez Tereza ar Mabig Jezuz, met ne fell ket d'in beza eun hantler santez. N'am eus aon nemet eus eun dra, aon da zerc'hel d'am bolontez va-unan. Kemerit anezi, o va Doue, rak me fell d'in ar pez ar fell d'eoc'h.

« Kousto pe gousto, eur santez a fell d'in beza, hag evit-se chom alao unanet gant Jezuz, mat bepred e kenver an holl.

« Sikourit ac'hanon, va Jezuz, da gaout eur spered a feiz, eur volontez start ha padus, eur garantez divent evidec'h hag evit va nesa. »

Eur beden verr, aozet gant santez Jertrud, a dleas dont alie : war vuzellou Monik, devot bras d'he Mamm eus an nenv : « Me ho salud, Mari, Gwerc'hez dinam me westl d'eoc'h va ene a-bez. »

Skrivet en eus c'hoaz en amzer-se al linennou-man dudius ha doun : « Ret eo bleunia el lec'h m'en eus Doue

hadet ac'hanomp ! Komz leun a zouster, a beoc'h hag a sklerijen... O va ene paour, dre eun taol a Brovidanz Doue emaout er stad-man, en Ti-man, gant ar yec'hed-man, eo ret d'it plega d'al labour a skuis hag a vrev ac'hanout dre m'eo padus ha diaes. Doue n'eo ket eun hader hag a lez ar greun da vont gant an avel aman hag ahont war an douar gleb pe war an treaz dizec'het. Doue eo an hader a hourchias an ero evit teurel enni d'an eur vat ar c'hreunee a fell d'Ezan lakat da ziwan. O ! ne c'hosmol ket, va ene, al lec'h emaout ennan eo an hini a zere ouzit, al lec'h dibabet ha pourchaset evidout gant an Aotrou Doue. Lagad Doue a sell ouz ar c'hreunen a ziwan, a sav, a gresk hag a ra deliou, hag ervez he natur hag ervez he ezommou hag ervez ar pez a c'hortoz eus da berz, planten vihan zister. Awechou e laka en dro d'it drein hag a gavez kris ! Planten vihan, da ziouall ha da zifenn a ra diouz an amprevan a stlabesfe ac'hanout. Awechou e laka en da gichen eur gward hag a gavez diaes ha kalet. Planten vihan, da ziouall a ra eneb an avel a blegfe hag a dorrfe ac'hanout. Awechou e kuz ac'hanout en disheol hag e vir ouzit da ziskouez da liou skedus. Planten vihan, ar goabren-se a zalc'h da c'hlanded, da sked, da chouez vat. Ne c'hosmol ket, o va ene, kement a c'han, a vev hag a gresk endro d'it a zo laket aze evit da eürusted gant dorn an Aotrou Doue. Bev e peoch, zoken er boan. Bleunia rez evit an nenv.

« Doue eo ar perc'hen fur, ijinus ha ne chanj ket lec'h hep digarez d'eur wezen hag en eus kresket hag a zo boazet el lec'h ma voe bet hadet gwechall hag a grede d'ezzi mervel el lec'h m'en eus bevet. Ha pa zeu, en e furnez, da chanj lec'h d'ar wezen, o ! gant pebez douster a vamm n'her gra ket ! Gouzout a ra eo poanius dougen da lec'h all an nemorant eus eur vuhez roet a greis-kalon. Anaout

a ra ar gwiriziou a stag ar wezen ouz an douar, hag ar gwiriziou, daoust d'ezo da veza dister, a zo krenv kouls-goude. Doue ne droc'h ket anezo holl, met hepken ar re a virfe ouz ar wezen da gregi ha da staga e lec'h all.

« O ! ne c'hrasmol ket, va ene : ne grede ket d'it beza goest da veva pell diouz bro da gavel. Kea !... C'houz e lez Doue ganit da c'halloud da garout, da nerz d'en em staga, d'en em rei, hag al levez da veza c'hoaz karet. Kea, dalc'h sonjou ar gèr, met hep da zizec'ha ; hag evel en da yaouankiz, gouez adarre bleunia. N'eo ket awal'h plega, ret eo bleunia, da lavarout eo beva eurus ha rei eürusted d'ar re all. Bleunia evitar blanten a zo diskouez he gened, rei he c'houez vat, tenna warni ars ellou, cha-cha warni ar wenanen ha kinnig d'ez ar mél a glask, rei fizianz a frouez vat abenn an diskar-amzer. Bleunia evidout, va ene, eo diskouez ez out laouen, laouen evit kement a vez graet d'it, laonen eus al labour a vezou goullennet diganez eun dervez. Bleunia ! en em rei en-dro d'it dre da gomzou ha da zremm skedus. « Mat emaoun ganeoc'h... c'houi zo ken mat !... » Bleunia zo beza prest d'en em rei d'an holl, gouzany beza diaezet, en em ginnig da gement a hell ober plijadur d'ar re all, digemer pep tra eus o ferz hep diskouez Morse beza skuis hag inouet.

« Nag a nerz, nag a beoc'h, nag a sakrifiz, nag a santelez ne c'houlen ket ar gomz-se : ret eo gouzout bleunia el lec'h oc'h bet hadet gant Doue. O va ene, bez ar blanten-se a ro joa, enor ha levez Doue. Bez penn-kil-ha-troad d'an Hini a zo holl d'it. »

En amzer-se e skriv c'hoaz Monik an aliou-man, ken fur ha ken brao doareet eus he c'halon dener :

« Ho kalon gwiridik a zo eun eienen a boaniou ha n'int na prizet na guelet. N'hellit ket en em galedi evel a garit, arabat beza néc'het. Bezit kentoc'h lacuen da gaout eun


eienen a groaziou. D'ar santelez ho s'avo ar wiridigez-se.

« Peuryvia eo eun ene gwiridik kizidik, digor da draou an nenvou ha da c'hras Doue. Seulvui e tiwask poan, seulvui ez eo goest d'en em sakrifia. Falvezet eo gant Doue lezel ho kalon da veza goulet ; pa noc'h ket evit mirout ouz ar gouliou nag o farea nag o ankouât, poanit da rei d'ezo eur vertuz dreist-natur ; guelit enno evel deleziou da sevel d'ar santelez. Lavaritennoc'h hoc'h-unan : va gwiridigez, mar reizan anezi ervez ar feiz, am dougo d'ar santelez, gwella-se, mel ganti emaoun war var d'ober kalz a bec'hejou bihan mar lezan anezi da redek e parkou ar santimanchou goulet... Ne c'hoantait ket kaledi ho kalon, dalc'hit ho kwiridigez, met grit outi implij vat : mirit outi da stourm ouz grasou Doue.

« Ne bouezit ket ar rebechou a vez graet d'eoc'h. Pouezit an drouk a rafe d'ho koustianz guelout dismegansou e pep lec'h. Ne vezit ket nec'het o velout ho santimanchou o chom da virvi, n'eo ket eur merk ne rit netra en o eneb. Skler eo eta e fell d'eoc'h trei ho kwiridigez wardu Hor Salver. Lakit anezi da ledanât ho karantez evitan, da gompren gwelloc'h penaos n'o'h ket graet evit traou an douar, ha da glask e Kalon Jezuz hepken ho frealzidigez eneb d'ar poaniou en eus diwasket e-unan. »

Evit en em gennzerzi e skriv Monik : « Heulia ran ar Reolen ar gwella ma hellan, raok petra am befe aon ? »

O vont gant an hent-se n'eus aon ebet da gouat ; mirout a ra mat ar Reolen, ar Reolen he miro.



VI

Kendalc'homp da bennaoui e park ar Gouennerez nevez. Fur ha poellus eo he notennou. Diskouez a reont he bolon-tez da chom kreny ha troet atao wardu ar pal : beza eur santez... Eviti n'eo ket an dra-se kaoziou ; poania ra, e gwirionez, da veva ar pez a skriv.

« R'en eur vuhez e kevret en eun doare d'in va-unan ; ober en diavaez evel an holl hag en diabarz evel den all ebet. Kuzat dindan eur mousc'hoarz poaniou, sakrifisou, pinijennou. Kuzat dindan eun dremm umbl ar pez a hell ennomp trec'hi ar re all. « Tevel a ra e gwirionez ar pez a hell he lakat da dalvezout heb ober vad, ebet d'ar re all. Goude he maro e voe kavet en he fres edo louzaouerez eus ar Groaz-Rus. Morse n'en doa Monik komzet eus an dra-se, hag epad he Novisiad ne glaskas ket ober muioc'h eget ar re dizesk war ar poent-se. Morse ne gontas d'he c'hoarez ar beajou kaer graet ganti, plac'h yaouank, e Franz hag er broiou estren. Ha mar komze hini pe hini eus he beajou, ne dilouras ket Monik eur ger diwar-benn he re ; ne ouied nemet e oa-hi bet e'Lourd.

Ha pet gwech e kavomp dindan he fluen :

« Diouall diouz ar pez am laka da dalvezout.

« Piou oun-me evit kemer lorzh gant an distera tra ?

« Mousc'hoarzin d'ar poaniou dister...

« Mousc'hoarzin muioc'h pa vezin dismeganset, inouet, gourdrouzet hep digarez. Digemer ha reseo pep tra gant an dudiusa mousc'hoarz...

« Mousc'hoarzin d'ar c'hontroliezou.

« Beza brokus kenan en traou bihan...

« N'eus ket umilite hep dismeganz...

« Pa garer, ne goust netra...

* *


Kenteliou an Novisiad a zo maen-diazez buhez eul leanez, a skriv-hi. Seulvui e lezimp labourat ennomp, seul star-toc'h e vezoz hor buhez relijius. Jezuz, Doue an nenv, am dibab evit e bried. Petra ne ra ket eur plac'h yaouank eus au douar evit plijout d'an hini a vezoz he fried evit ar vuhez. Dibabet oun n'eo ket gant eun den, met gant Doue ; en em brepari ran da veza pried Jezuz-Krist. Mar labour kement eur plac'h yaouank evit pourchas ar briedelez, petra ne dlean-me ket ober ! Amzer an dimezi eo evidon an amzer-man... Seulvui en em roin da Zoue, seulvui en em lezin da veza labouret gant kenteliou an Novisiad, seul brokusoc'h e vezin, seul gaeroch e vezoz ya ene, seul dudiusoc'h e vezin kavet gant va fried divin. Al labour-se a goustod in haga c'houlenno diganin sakrifisou. O va Doue, c'houi hoc'h eus kement gouzanvet evidon... Penaos e hell-fen klemm eus va foaniou dister, desket hoc'h eus d'in poania. Ra zeuy sonj ar c'hoaziou hag ar poaniou tremen-net d'am c'hennerzi evit dougen ar poaniou dister-se unanet gant ho re. Holl vuhez al leanez a vezoz ar pez e vezoz graet en Novisiad. Mestr mat hag hoc'h eus roet d'in al loden wella, en em rei ran d'eo'h ; roit d'in ar c'hras da lakat va Novisiad da dalvezout kement hag hoc'h eus c'hoant.

N'eo ket huvreal a ra Monik, met labourat. Fellout ra d'eziz beza santel, kemer an hent merket d'eziz evit tizout ar pal : evez warni he-unan ha karantez. En notennou skrivet ganti bemdez diwar-benn al labour d'ober hag ar sonjou mat da lakat en he fenn kemeromp ar bokedou-man hed eur miz. D'eomp e tiskouezint ar boan kemeret gant Monik evit en em santelat.

(Seiz miz 'zo ema Monik en Druez.)

1^{er} mae 1928. — Bloavez eurus : Douster.

D'ober. — Mousc'hoarzin d'ar pez a nec'h ac'hanon.



MAISON-MÈRE. — Extérieur de la Chapelle

Da sonjal. — Awalc'h am eus gant Doue. (Merka a ra dre kroaziou bihan pet gwech e sonjas er boked-se.)

2. — Mousc'hoarzin d'ar pez a ra diaez d'in.
— Eanon e vev Doue ha me ennan.
3. — Mousc'hoarzin d'ar Groaz.
— Kroaz eürus !
4. — Beza brokus gant va finijennou bihan...
— Unaniez gant Doue.
5. — Fealded vras en traou bihan.
— Ganeoc'h emaoun betek fin ar c'hantvejou.
6. — Diouall diouz arbihana plijaduriou.
— Talvoudek eo evidoc'h ez afen kuit.
— D'ober epad ar sizun. — Digemer ar rebechou ha labourat dre garantez evit Doue o sonjal ez oun ar falla hag e veritan an dismegansou bihan-se evit kastiza va lorzh.
7. — Poent ar pennad : Peoc'h war gement a ouezan.
8. — Ober kalz a binijennou bihan en eur vousc'hoarzin.
— E disheol ar feiz m'ho kar hag hoc'h ador, o Jezuz evit ho kuelout e c'hortozan ar mintin.
9. — Seul diaesoc'h e vezd'in eul labour, seul-vui e karin anezan.
— E disheol ar feiz m'ho kar hag hoc'h ador,
O Jezuz ! evit ho kuelout e c'hortozan ar mintin.
10. — Digemer en eur vousc'hoarzin an dismegansou dister...
— En noz tenval a guz ac'hanout ouzin, o Jezuz, me fell d'in diskouez d'eoc'h va c'harantez dre ar wella fealded..
11. — Beza brokus en traou dister.

- Sec'hor vennget ha ne ginnig netra d'ar fouge.
12. — Mousc'hoarzin d'an nec'hamanchou bihan.
— Er groaz evel el levez, me da gar evidout daunan, o Jezuz.
13. — Kastiza va doare beza e pep lec'h.
— Piou oc'h-c'houi, va Doue, ha piou oun-me evit mont dirazoc'h ?
D'ober epad ar sizun. — Digemer en eur vousc'hoarzin an nec'hamanchou bihan, ar sakrifisou hep morse diskouez, zoken dre an dremm, ez oun nec'het tamm ebet.
Poent ar pennad : Pasianted sioul eienen a santelez.
14. — Fealded vras en traou distera.
— Aotrou Doue, c'houi hell pep tra, bezit truez ouzin rak n'oun nemet eur bec'herez.
15. — Ober kenan-kenan pinijennou dister.
— Ret eo pedi bepred hep morse ehan.
16. — Mousc'hoarzin d'an nec'hamanchou bihan.
— Klaskit da genta rouantelez Doue, roet e vezod'eoc'h an nemorant war ar marc'had.
17. — Ober traou dister, eus an druilh, evit Doue hepken.
— Sursum corda ! Uhel ar c'halonou !
18. — Ober eur bern sakrifisou kuzet, netra nemet evit Doue.
— Eur c'hrogad eo ar vuhez, en nenv ema ar viktor.
19. — Beza brokus meurbed en oberou vertuzüs kuzet.
— N'en em ziskouez Doue nemet d'an ene sioul.
20. — Diouall mat diouz ar sonjou goullo.
— Deus meus et omnia ! Doue ha netra ken !
D'ober epad ar sizun. — Pellât diouzin ar sonjou n'int ket karantezus. Kaout an tu d'en em ziskouez seven ha madelezus e kenver va holl c'hoarez ha guelout Jezuz enno.

- Poent ar pennad : Ar garantez etre c'hoarez. Eul Leanez a garantez a dle beza karantezus evit he c'hoarez a-raok her beza evit ar glanvourien. N'eus ket a garantez hep sakrifiz.
21. — Ober mat va holl oberou evit Doue ne vern pegen dister int.
— *Veni, Sancte Spiritus.* Deuit, Spered Santel !
22. — Digemer en eur vousc'hoarzin an diaezamanchou dister.
— *Veni, Sancte Spiritus.* Deuit, Spered Santel !
23. — Ober pep tra hep sonjal ennon.
— Deuit, Spered a furnez... Ar pez n'eo ket evit Doue a zo eneb da Zoue.
24. — En em ziskouez seven kenan gant ar re a ra diaez d'in.
— Deuit, Spered Santel, en em rei ran d'eoc'h hep derc'hel netra ganin va-unan.
25. — Fealded vras en traou bihan.
— Krena a zo kemper eun hent fur.
26. — Beza brokus e pep tra evit pourchas donedigez ar Spered Santel.
— Hepdoc'h n'hellan netra.
27. — Chom hep koll tro ebet d'en em sakrifia.
— Deuit, o Spered Santel, leunit kalonou ho tud fidel hag enaouit enno tan ho karantez.
Pantekost. D'ober epad ar sizun. — Em labour hag em holl oberou pellât pep plijadur, pep aezamant. Klask ar pep diaesa, ar pez a blii d'in an nebeuta.
Poent ar pennad : An traou a vir eus ar garantez etre c'hoarez.
28. — Ober mat-rus an traou distera dre anaoudegez vat evit ar Spered Santel.
— Spered Santel, diouallit hoc'h-unan ho tonezonou ennon.

29. — Ober epad an dervez-man evel pa vefe an dervez diweza eus va buhez.
— Ar vad am bo graet hed va buhez am difeano e lez-varn Doue.
30. — A-raok kregi el labour goulou ouzin va-unan ha douget oun d'hen ober gant ar Spered-Santel.
— Deuit, Spered Santel, taolit er-maez eus va c'halon ar pez a zo eneb d'eo'ch.
31. — Lealded vras en deveriou bihan.
— Spered Santel, rentit ac'hanon feal d'ho'ch aliou diweza.

An daolen-se a ziskouez d'eomp labour pemdeziek ene Monik ; bemdez gant ar memes bolontez, e taolc evez, e trec'ho, e kemero poan evit tizout ar pal : beza eur wir leanez, karout Jezuz kement ma heller karout, hag hen diskouez d'ezan en eur verval d'hor bolontez dre ar sakrifiz ha dre ar fealded d'an deveriou bihan...

A hed skridou Monik e kavomp ar memes noten...

Komprenet en doa, Gouennerez ha diwezatoc'h Noviadez, e oa he c'henta never ober gant fealded ha gant eur garantez virvidik he deveriou bihan.

« E gwirionez, n'eus oberou an den nemet an dalvoudegez a laka Doue enno. » Ha dre ar fealded-se d'an traou dister, dre vil sakrifiz kuzet, e heulie Monik hent santez Tereza ar Mabig Jezuz.

Pet gwech ne gavomp-ni ket hed an amzer-se ar volontez da veza bemdez feal en deveriou bihan, d'en em sakrifia pep tro ma kavo an tu, da ziouall diouz pep plijadur... Pouezomp ar geriou : « dionall diouz pep plijadur ». Pebez maro d'he bolontez dindan ar c'homzou-se!...

Hag ar re o deus anavezet natur kizidik Monik a gomprent betek pelec'h e fellas d'ezi klask ar sakrifiz a ro taol ar maro d'ar volontez hag a ra beva e Done hag evit Doue.

* *

Setu tremenet miziou. Lezet eo Monik da gemer ar wis-kamant. Hen embann a ra d'he zud karet. Ken mat e vez o c'haout en he c'hichen gant Mari-Jenovefa en dervez benniget-se ! Gouzout a reont o merc'h karet eurus eus eul leyenez ha ne ehan da gana en he holl izeri; an eürusted-se, he guelet o deus o skedi war he zal pa 'z int deut d'he bizia epad ar miziou tremenet, he guelout a rint dounoc'h c'hoaz d'an dervez benniget ma kemero gwiskamant an Urz... Embann a ra iveau he levez d'unan eus he c'hendirvi, misioner Kalon Dinam Mari hag a gemere al lestr d'an 44 a viz gwengolo 1899 evit ar Mongoli ha ne zistroas d'an Europ nemet d'ar 7 a viz cost 1924. Krenv kenan eo al liamm a stag ar misioner ouz ar Gouennerez : eus ar memes gouenn eo o eneou disponit.

Skriva ra-hen d'ezi : « 26 a viz gouere 1928 ; eurus oun eveldout eus ar c'helou mat a zigasez d'in ; lakat ar wis-kamant a stago al liamm kenta etre Jezuz ha te. Nag eurus oun d'az kuelout e pal da c'hoantgeziou ; biskoaz n'am eus bet douetanz war nerz da c'halvedigez ; kaer am eus atao kavet an nerz-kalon ec'h eus diskouezet hed pevar bloaz hir hag a gay breman e rekompanz. Chom bepred brokus : goude beza sakrifiet ar bed ha da familh, en em sakrifi da-unan. Bemdez e vez ar sakrifiz-se d'ober ! Her guelout a ri en amzer da zont. Met bez sonj ez eo berr ar vuhez ha poagn d'en em sautelat gant ar galon ec'h eus laket da heulia da c'halvedigez... »

« Sell, n'eus nemet eum dra talvoudek war an douarman : ar silvidigez. Guelout Doue en Nenv, e garout, e veuli, adguelout eno ar re hon eus karet, ha n'eo ket brasa c'hoant bon ene ? Ha n'eo ket ar pez a dleomp goulou heb ehan digant Doue evidomp hag evito ? »

« Betek ar maro ha pelloc'h e kendalc'h eta hon emgleo a bedennou ; hag an hini ac'hanomp en em gavo da genta er baradoz a gendalc'ho da bedi start evit egile betek an eur ma velimp hon daou sevenet hor mennadou... Mar teufen da gemer adarre hent va mision e hellez kredi ez in da lavarout d'il « kenavo » en eur dremen; kenavo, me lavar, e Doue, rak ne gredan ket kaout pell amzer da chom en harlu war an douar. Met arabat d'eomp lakat liou du war lion ros da dremwell. »

Ne sonje ket an Tad misioner n'en doa Monik, Jeun a yec'hed, nemet eun nebeut mizion da dremen war an douar hag ez aje en e raok d'an neny...

Houman a bournchase dervez he Gwiskamant gant muioch' mui a galon hag en em lake er retred didrous d'ar 7 a viz guengolo 1928 evit dont outan d'ar 13, d'an dervez mil gwech c'hoantaet evit gwiska dilhad leanez.

VII

Ar re o deus heüliet Monik kammed ha kammed hag a zo en em staget eus he ene ken kaer a vez eurus o lenn an notennou skrivet ganti epad ar retred.

Diouz ar mintin epad ar retred-se, en em laka Monik da genta dirak Doue; fellout a ra d'ezi, e gwirionez, tremen an dervezou-se « he-unan gantan E-unan ».

« Beza dirak Doue, emezi, aze ema an eürusted » hag e chom dirazan.

« Doue e pep lec'h », hag ec'h en em goll ennan en eur ober eun akt a feiz: « Va Doue, me gred emaoch' aman dirazon. »

« Digoret eo ar retred :

« 7 a viz gwengolo : komz da Zoue, selaou Doue, komz a Zoue.

« Sioulded an teod... an daoulagad... ar galon... ar skianchou... ar spered.

« Va buhez a dle prezeg an Aviel.

« Izeloc'h a galon e tle beza ar re speredeka rak muioch' e tleont da Zoue.

« Bepred e tle an den beza prest da senti ouz Doue. Pa lavar Jezuz : ezomm am eus ouzit, e tlean den beza prest atao da respont d'ezan gant karantez: « Aotrou, setu me aman. » Bepred e tle beza war evez, bepred e tle beza karantezus evit ober eus e vihana oberou eur c'chantik a veuleudi. An dra-se e tle beza hor buhez. Dre ar c'hras e kemer ar relijon an den, korf hag ene; met hor c'hemer a ra-ni, eneou relijius, en eun doare strisoc'h.

« Va Doue, c'houi eo va eienen. War an douar emaoun evit ho meuli. D'al leanez da veva eus eur vuhez divin nerzus; eur veuleudi e tle beza he holl oberou : eur

veuleudi a garantez; eur veuleudi a sentidigez; eur veuleudi a boan; eur veuleudi a labour.

« En em dennomp dirak Doue dre garantez ha dirak hon nesa dre garantez evit Doue. En em zalc'homp mat ennomp hon-unan evit ma hello Jezuz dont e peb amzer.

« Ha ! ma lavarfen a greis-kalon, mintin ha noz : « Etre ho taouarn e lakan va ene » ! ec'h astennfen va daouarn da Zoue gant fizianz eur bugel. »

* *

« Eur ar sioulded vras ! An eur evit Doue da ziskuiza e ene eul leanez dre m'eo dilezet gant ar bed. Ra vezoz an eur-se eur Gouel-Doue ! Beza va-unan gant Doue hepken. Sioul eo pep tra : an natur, ar mor. Dalec'homp d'hor sioulded vras dre resped evit hon diweza noz. »

* *

« Ar vuhez a zo eun hent hag a zistro da Zoue. Redek wàrdi ti an Tad hep koll eun tamm amzer. Ra servijo d'in pep tra da sevel ; ra vezoz pep tra evidon eur skeul da vont betek Doue.

« O Aotrou, eus eur mell gras am eus ezomm evit tizout eur santelez ken vras ma n'hello mui netra mirout ouzin da vont betek Doue. (Sant Aogustin).

« Hent da gemer :

« 1 a. Sellout mat, hep sponta, eus doareou ar stourmad, en em izelât, 'goulen ar c'hras da amzay hon dienez hep fallgaloni.

« 2 il. Deski an tu da reiza ar pez a blij pe ne blij ket d'in. Pedi.

« 3 e. Poania da veza dizeblant en eun doare santel.

« Barn ar pez a blij pe ne blij ket d'in ervez bolontez santel Doue :

1. Goulen petra d'ober digant Bolontez Doue : « Aotrou, petra fell d'eoc'h e rafen ? »

2. Klask atao ober Bolontez Doue.

3. Karout a greis-kalon Bolontez Doue. Kaout mennadou santez Tereza ar Mabig Jezuz : « Kaout a ran holl oberou Doue. »

* *

« Santelât ar sul evit ar re n'her greont ket. Evel eun tour-tan e tie beza ar sul da sklerijenna ar sizun. »

* *

Eur pennad e chom Monik, dounnec'h er retred, da deu-rel pled e douster an devosion.

« Douster ar galon, emezi, a zistruj ar pec'hed. Evel Leanez a Druez ni hon eus ar c'hras da zistruja ar pec'hed. An douster en hor c'henver hon-unan hag an druez e kenver an nesa a bourchas d'eomp eur setanz a druez da eur hor maro.

« Douster : taol roet gant ar Spered Santel d'an eneou. Ret eo, evit kaout digant ar Spered Santel an taol-se bag a dommo hor c'halon dizeblant ha yen. »

« 1. Mennad eur glanded vras.

« 2. Eur mell fizianz.

« 3. Sioulded.


« 4. Pardon an ofansou.

« Ar pez a zo ret evit douster ar galon :

« I. Guelout skler ennomp hon-unan. (Aotrou, ennoch am eus laket va holl fizianz, n'am lezit ket da vont da goll.)

« II. Beza mezek en diabarz evit santelât, kempenn ha reiza hon ene. Beza mezek evit beza karantezus.

« Erfin ezomm da zigoll an Aotrou Doue eus ar boan hon eus graet d'ezan.



MAISON-MÈRE. — Intérieur de la Chapelle

« Pouezet hon eus dre ar c'heuz war an amzer dremenet.

« War an amzer da zont e pouezimp dre ar volontez start da virout diouz ar pec'hed. »

Ha goude beza taolet war ar paper eun nebeut sonjou diwar-henn truez Doue ha guelet e tle eul Leanez a Druez beza, en dra holl, henvel eus Kalon Jezuz... Goude beza santet an druez divin en-dro d'he buhez a-bez, Monik a grenn :

« I. Ne fell d'in mui dislijout da Zoue, kousto pe gousto, a ratoz kaer.

« II. Hiviziken e fell d'in plijout da Zoue e pep tra ! » A sklerijen peurbadus e sked ar sonjou-se : « Eun dervez e vezin diskaret gant ar maro. Eun dervez, Doue her goar, a vez va dervez diweza ! Ne daper ket eur maro santel dre laer, ret eo pourchas anezan hed eur vuhez. En em breparrromp kement ha ma hellomp. Ar vuhez a zo eun hent hag a zistro da Zoue ; ar maro a ra d'eomp distrei d'ar gèr. Na dishenvel e kavomp an traou pa velomp digor hor bez ! Mar ne ouezomp ket, epad hor buhez, plega mat da volontez Doue, penaos e ouefemp he digemer da bred ar maro ? Ra vez eur maro pep dervez eus va buhez dre va sakrifiz ha dre va faourente a galon... »

Met eus a bell e vel ar maro, en eun daolen a beoc'h ; rak kreñna ra gant sant Aogustin : « Splann eo kement a zeu diouz ar C'hrist. »

* *

Teurel a ra pled en devosion virvidik, e glanded ar galon. Skoet eo bet gant eur gomz eus sant Bernard : « Dont a reomp da veza ar pez a garomp. » Ne gar ha ne fell d'ez karout nemet Jezuz Krist ; bez' e vez e Jezuz Krist ! Glanded ar galon, emezi, a zo viktor Karantez Doue hagan nesa, dre ma ro lamm da dechou fall hon natur

« Dre eno e lakomp Doue a-du ganeomp :
« Ouzoc'h me sello hag ho lako da greski. »
« Glanded ar galon :
 I. A zoug ar galon da garout Doue ;
 II. A gresk karantez Doue. N'hell ket eur galon c'halan
chom hep karout Doue ;
 III. A ra d'eomp pedi aesoc'h ;
 IV. A zo lojeiz eur peoc'h leun. « Kaera donezon a hellife.
Doue rei d'eun ene eo peoc'h ar galon. » (Ozanam.)
 V. A sikour henvelekât hon ene gant Jezuz Krist. »
Goude e tesk Monik ar vertuziou : Paonrentez, Glanded,
Sentidigez, a dleo diwezatoc'h ober le da gaout.
Taolomp eur sell hepken war ar sonjou diweza.
« Muioc'h a labour a zo gant buhez an ene eget gant
buhez ar c'horf...
 « Va Doue, n'oun netra, n'hellan netra.
 « Paour eo va labour mar ne boanian ket gantan.
 « Ne glemmin Morse, nag uhel nag izel, Morse, Morse.
 « En em zistaga ar muia 'r gwella diouz ar muia 'r
gwella a draou.
 « Seul-vui e teui er maez- ac'hanout da-unan, seul-vui
e teui ennon. (*Skouer Jezuz Krist*)
 « Evit mont d'an Douar Prometet, ret eo toulla hent dre
ar sakrifiz. Met nag a grogadou gant hor c'harantez direis
evidomp hon-unan. Lakat en hor penn trec'hi ar garantez-
se. (Mousc'hoarzin d'an trubuilhou, da gement a izela). Dre ar stourmad-se e kavin ar frankiz, ar sakrifiz leun-bar.
Ret eo en em zistaga diouz pep tra evit beza holl da Zoue!
An distag-se ac'hanomp hon-unan a ro d'eomp levenez ar
peoch, an donezon a beden. Ne c'hounezer ar viktoriou-se
nemet goude stourmajou yut. Ret eo : *ober ar c'hammed*,
hep denc'hel netra evidon. Va c'haret en eus Doue, en em
roet eo evidon. »

« Eur c'hanivelez nevez eo eur retred... Breman eta e
vezo her ger : *hep dale, hep netra d'in, hep distre.*
« Gonlen an tri urz-se digant Hor Salver. Kuitât pep tra
ha me va-unan, hep dale, hep denc'hel netra, evit atao.
 « En em lakat er renk izela oc'h en em gaout netra...
 « Petra! eur merzer souezus eo bet ar C'christ, hag e
fellfe d'it beva evidout da-unan?... »
Met guelit, leun a skiant vat hag a furnez eo he ene, er
wir sklerijen ema izelded he c'halon : « Lakat da
dalvezout donezonou hon natur en hol labour, rak bez' ez
int da Zone ha ret eo d'eomplabourat ganto evit e c'hloar. »
(*S. Ignas*)
Hag e berc gomzou e laka ar pez a dle eun abostol da
gaout :
 I. « *Izelded a galon.* Buhez en diabarz. Buhez an ene, ar
beden eo a denn Jezuz war dachen an abostolaj.
 II. « *Paourantez a galon.* Gant ma vezo graet labour
Doue ganin pe gant eun all!...
 III. « *Nerz-kalon,* graet gant karantez ha fizianz.
 IV. « *Poan.* Ar boan a laka eun abostol da zougen
Irouez. »
 « Eur sakrifiz pemdeziek eo buhez eul leanez, a skrivi-
hi dervez he Gwiskamant. *Benedictus Dominus* : Doue
benniget. Ra vezo ar gomz-se ar penn kenta eus va holl
oberou. »
 « *Sakrifiz, karantez.* » En daou c'her-se ema holl
c'hoantegeziou Monik. Ar sakrifiz dre garantez, evit ar
Garantez... ha leun eo he ene a garantez pa dars dervez he
Gwiskamant. Pourchaset en eus an dervez-se dre ar
sakrifiz ha dre ar beden; echu eo ar retred birvidik ha
sioul : « Setu an dervez graet gant an Aotrou Doue. »
Bodet eo er japel ar familh ervez ar c'hras hag ar familh
ervez ar gwad. Er renk kenta ema ar Gouennerez; war

o zal skedus a sklerijen dreist-natur e par eul levezenez dous. Er c'heur lugernus a c'houlaou, ema an aotrou 'n Eskob en e gaera ha beleien niverus...

Setu digoret al lidou. Hep dale, ar broziou du, eun tammig c'hoaz doare ar bed ganto, a zo dilezet evit ar wiskamant leanez ha gwel wenn an Novisiadezed a c'holo an taliou glan... N'heller ket lavarout pegement e trid kalon an Novisiadezed yaouank nag hini o c'herent, paet eus o sakrifisou dre an eürusted a sked war an drempou karet ha dre ar peoc'h laket gant Doue e goueled o ene. Dreist ar re all, dre he ment hag he doare soudard, etouez he c'hoarez niverus e sav Monik, breman *Seur Fransez-Romen*.

Epad lidou ar wiskamant ha sakrifiz santel an oferen ech en em ginnig beuzet en he levezenez... Ha n'ema ket war he c'halon an akt a brof savet ganti he-unan? Len-nomp anezan.

URZ LEANEZED AN DRUEZ.

Prof ac'hanon va-unan hag oberou a drugarez evit eürusted va Gwiskamant e Gouel Itron Varia ar Seiz-Glac'h, 15 a viz gwengolo 1928.

Va Doue, dont a ran, me ho.krouadur dister, d'en em westla d'eoc'h a-bez, va Doue. N'oun netra; drezon va-unan n'hellan ket zoken en em rei d'eoc'h, rak-se ho pedan d'am c'hemer evel n'eus nemedoc'h goest d'am c'hemer gant hoc'h holl galloud. Rei ran d'eoc'h va c'horf, va ene gant e holl skianchou, va c'halon gant he holl c'hoantegeziou. Va Doue, en em ginnig a ran d'eoc'h evel eun oanig evit ho karantez evit ho konforti hag ho karout e-lec'h ar re a ra poan d'eoc'h ha n'ho karont ket.

Me fell d'in, o va Mestr mat, en em zerc'hel bepred evel eur bugelbihan hag a oar, dre e vousc'hoarz seven ha glan,

didui e vamm hag oer d'ezzi ankouât he foaniou. Jezuz madelezus, diskuit ennon evel ma tiskuizec'h gant Mari-Madalen e Betani. Va Doue, en em ginnig a ran evit ho trugarekâeus ar c'hrasou diniver hoc'h eus roet d'in; eus ar c'hrasou a boaniou hag a sakrifisou. En em ginnig a ran evit goulen pardon diganeoc'h eus va fec'hejou ha rapari faotou va buhez tremenet. Va Doue, kemerit ac' hanon, kinnig a ran d'eoc'h va buhez; ra vezoz peb eur tremenet war an douar eun akt a garantez. Ho pedi ran, o va Doue, grit d'in mervel zoken eus an diaesa maro, met n'am lezit ket d'hoc'h ofansi na da baouez beza brokus da respont d'ho krasou; va buhez n'eo ket d'in, kemerit anez evel ma plijo ganeoc'h. Va Doue, roit d'in ar c'hras da veza eun Novisiadez devot evit beza eul leanez santel. Roit d'in ar spered a baourentez, a c'hlanded, a sentidigez, karantez va Reolen, an izelded a galon, ar vadelez, an douster, ar basianted; grit d'in hoc'h anaout evit ho karout, en em anaout va-unan evit en em zisprizout; ne lezit ket an ourgouilh da gemer morse va buhez. Bezit evidon ar c'hras da verval bemdez d'in va-unan evit beza distag mat da eur va maro. Va Doue, benniget va maro.

Roit d'in peoc'h, fizianz, karantez santez Tereza, grit d'in krompreñ ha heulia he hent bihan. Va Doue, en em rei ran d'eoc'h hep derc'hel netra ganin, grit ma vezin eur benveg sentus etre ho taouarn, lakit ennon ar vertuziou a fell d'eoc'h guelout em ene...

Va Doue, roit d'in ar c'hras d'oberkement a bliij d'eoc'h. Digemer a ran an holl groaziou a fello d'eoc'h digas d'in; ra vezoz ar gouliou resevet ha chomet ennon merk va c'harantez ha ra vezint eürusted ha silvidigez ar re o deus o graet. Va Doue, ho krouadur oun, fellout a ra d'eoc'h ho karfen. Seul-vui a boan e tiwaskin, seul-vui e fell d'in mousc'hoarzin, o va Doue, evit diskouez d'eoc'h va c'ha-

rantez. Va Doue, n'oun netra, met an netra-se her rei ran d'eoc'h. Va digemerit en ano ha dre veritou ho Mab divin ; unani ran va sakrifiz gant hini ar C'halvar ; her c'hinnig a ran d'eoc'h dre Vari, va Mamm, dre sant Jozef, santez Mari-Madalen, sant Yann, santez Monika, sant Fransez Asiz, santez Tercza ar Mabig Jezuz ha va Ael mat.

O Mari, o Mamm dener, bezit sonj ez oun ho pogel, etre ho taouarn en em ginnigan da zervez va gwiskamant ; ganeoc'h, o Mari, e vezin bepred feal d'ho Mab divin. Va Doue, va Roue, d'an dervez ma roit d'in ar c'hras da veza dirak an dud an hini a vezoz ho pried, aotreat ac'hanon d'unani em sakrifiz kement hini a garan, kement hini a c'houlennan grasou evitan diganeoc'h ; roit d'ezo ho pénnoz ; ra vezoz va frof, dre ho meritou, o va Doue, evit o brasa eürusted. Holl-c'halloudek oc'h ha mar deo bras kenan va mennadou, n'int netra e skoaz ho kalloud divent...

Ha Monik a c'houlen an eürusted evit he mamm garet, evit he zad, evit Mari Jenovefa ; pedi ra evit he c'herent beo pe varo, evit an Tad Konrardy, evit he mignonezed. N'an-koua den nag en he familh eus an douar, nag eus he mignoned, nag eus he familh relijius. Pedi ra evit kelc'h A. C. J. B... Anken ebet, trubuilh ebet n'eo dizonjet endervez benniget-se... Echui ra he feden dre eur c'halvaden abostol : « Bezik truez eus ar bobl, bezit sonj eus ho komzou, Mestr madelezus : *Misereor super turbam!* Ho rouantelez deut d'eomp !...

« D'ar sadorn 13-9-1928

Monik DELERU, A. C. J. B.
evit atao Seur FRANSEZA-ROMEN. »

* *

Goude al lidou, an Novisiadez eürus en em daolas etre divreac'h he c'herent karet. Pebez pok etre ar wamm hag

ar verc'h ! Laouen co Seur Franseza-Romen o velout he zad en e gaera, gant fouge e chom he sell da bara warnan : evelse ema dirazi he mamm-vro, he Beljik ker. Goulenet en doa kement-se da zervez he gwiskamant.

Plac'h yaouank, meur a wech en doa lavaret Monik d'he mamm : « Da Ael mat e vezin. » Setu kenta komzou an Novisiadez yaouank en eur vriata he mamm : « Breman ez oun evit atao da Ael mat e kichen an Aotrou Doue. » Ac'houdavez alies e aslavaras he lizeri : « Me fell d'in e vefes eürus, va mamm ; va sakrifiz a zo re vrás, ne nac'ho ket an Aotrou Doue ouzin ar pez a c'houlennan evidout. »

« Gouzout a rez, a lavare-hi c'hoaz d'he mamm, ne fell d'in netra war an hanter, eul leanez santel e fell d'in beza... Hag evit gwellat e c'houenne diganti : « Ne velez ennon netra da reiza ? Ha rust e kavez atao va mouez ?... » Ha bez' e oa-hi breman evel ma felle gwechall d'he mamm e vije ? Ha c'hoaz : « Arabat kaoutaon d'ober poan d'in. Lavar d'in ar wirionez. Diganit e tigemeran pep tra, her gouzout a rez... » Hag e gwirionez n'en doa ket an disparti bihanaet teneridigez ha boazamanchou ar bugel... P'en em gavent goude meur a viz, peb abardaez e taouline Monik, evel gwechall, dirak he mamm hag e c'houenne diganti he bennoz.

Goude ar wiskamant hag eun nebeut dervezioù, pa voe ret d'he zad kimiada ha distrei d'ar Beljik, ez eas Seur Franseza-Romen ganto betek dor ar gouent. Kenavo e lavaras d'ezo ha ken dinoc'h ha tra, dirak an dud, e taoulinas chars an itron Deleru evit reseo eur wech c'hoaz bennoz he mamm.

D'eomp e lavaro eur c'henvroadez eus Mons petra sonje Monik abaoue in'oa en Druez ha penaos e chom feal he chalon :

« Er penn kenta eus he Novisiad e skrive d'in : Deut oun d'en em anaout em c'hazarn karet, rak bez' ez omp evel soudardet, henvet a ran va Novisiad va amzer soudard. (Daoust ha n'eo ket ar wirionez?) (I^e a viz genver 1928).

Gant nerz e komze d'in eus he buhez pemdeziek : eus an ofisou « ken kaer hag ervez an Iliz », euriou a beden, labouriou : « Hirio ema va zro da wale'hi, da skuba ; kenteliou ogrou, prejou, kenteliou kan, « kan plean e doare Urz Sant Beneat hag am eus poan o velout skler ennan », kenteliou all, etc... pennadou diskui. « D'an dervezioù gouel e kemer hor Mamm enorus perz er pennadou diskui, ken brao ma kav d'in beza er c'helec'h-studi ; kanaouennou a ra d'emp c'hoarzin da ouela ! »

Evel m'her gueler, en he c'halon e chome he c'helec'h-studi.

He mennad bras a oa digemer ar wiskamant leanez.

« Abaoue hanter miz even eo brao ha tomm an amzer, kaer al liorz hag ar maeziou tro-war-dro, met kaeroc'h e vez c'hoaz p'am bo an curvad da dremen ennan gant broz ha koef askellek al Leanezed. » (14 a viz gouere 1928).

Setu deut da wir an huvre eurus-se !

« Nag e karan va gwiskamant, va ano Leanez a Druez, va galvedigez ! Labourat evit ar re all, n'eus netra talvoudek nemet an dra-se war an douar. » (27 a viz kerdu 1928).

VIII

Antronoz an dervezioù benniget-se, Monik, ha ne hanvimp mui diwar vreman nemet Seur Franseza-Romen, a grog adaire, muioc'h entanet hag izeloc'h a galon, en he buhez pemdeziek a Novisiad... Eus he c'halon e sav eur c'han a drugarez :

« Va Doue, bennoz d'eo'h evit ar c'hoaziou, an trubuilhou hoc'h eus digaset d'in. Eur boan a ugent vloaz a zo bet priz va Galvedigez ; va distaget hoc'h eus drezi diouz ar bed. Bepred e tiwado ar gouli... Ra vez testeni va anaoudegez vat. Ouspenn, desket hoc'h eus d'in drezi anaout poan ar re all. O ! ra gonforthin an dud reuzeudik gant an donezonou hoc'h eus laket ennon. »

* *

« 13 a viz du 1928. Va Doue, digemer a ran ar groaz gant karantez ? Ra vezou kuruva sakrifiz. Ne fell d'in nemet ho prasa gloar hag ho polontez. En distro, Mest madelezus, gounezit ar bec'herien, diouallit an eneou a garan hag e pedan ac'hano'h evito. Va Doue, ne c'houlennan evidon nemet ho karantez hag ho kras ; digemer a ran ar c'hoaziou hag ar poaniou. Ne fell ket d'in kaout va eûrusted war an douar. Va eûrusted a vezou ho karout em breudeur doaniet. »

* *

Dirak a eun daolen eus Hent ar Groaz : Jezuz a frealz merc'hed Jerusalem... « Setu ar garantiez en he c'haera sked, eme Seur Franseza-Romen. Prizout evel netra hor skuisder, hor poaniou, hormerzerinti, dal m'en em gavomp dirak poan an nesa ; truezi ouz e holl boaniou, zoken pa n'eus den dinoc'h egedomp a druez... »

* *

« Gant Jezuz poan gollef ebet, klemm dianket ebet,
daelou didalvez ebet. »

* *

« Eur garten-vizit digaset gant Doue eo pep poan. Pep
tro ma teu eur groaz, lavarout : Setu Jezuz o tont davedon. »

* *

« Bez sonj, va ene, eo laket ar boan evel eur siell
warnout; bez' ez eo eienen da labour Leanez a Druez... »

« Va Doue, ra lakin atao da dalvezout evidon skiant-
prena ar boan hag an donezonou hoc'h eus laket ennon
dre ar c'hoaziou hoc'h eus digaset d'in... »

Kutuilh a reomp e meur a lizer skrivet d'eur vignonez
vihan ar memes sonjou war ar poaniou, ar memes
taolennou a eternite... »

« Kompreñ a ran ec'h eus poaniou etouez ar re n'o deus
da santimanchou. Poan ec'h eus, met ha n'emaout ket war
an douar evit gounit ar baradoz? Laouen oun eus da ner-
kalon, eus da volontez start. »

* *


« Sonj ec'h eus eus ho pec'herinajou bihan? Setu miz
Mari, tremen a ra pep tra, met ar baradoz hon unano da
viken. Nag eo nebeut a dra joaiou ar vuhez e skoaz an
eternite... »

* *

« Muioc'h a veritou e talv d'comp ar boan evit an nenv
elec'h ne drenko netra hon eürusted en unaniez leun-bar »

* *

« N'out ket evit huvreal al levenez a zo er sakrifiz parfet
evit Doue hag an nesa. »



MAISON-MÈNE. — Statue de Saint-Joseph

* *

« O ! nag eun dra vat eo ar Groaz ! »

* *

Seiz miz goude beza deut d'an Druez, Monik en doa skrivet : « Abaoe sez miz m'emaoun en Ti santez-man eo divent va eürusted. » Diwezatoc'h e skrivo c'hoaz da X... : « Eus an Ti-man e tars ar santelez, eur spered leal hag a blii d'in, gwir spered an Ayiel. »

Nec'het eo he c'halon ken tenre gant he mignonez : « Hag eürus out-te, mignonez vihan ? Ne ouelez ket re alies ? Gouzout a rez eo ar groaz merk an eneou karet gant Doue. Gouzout a rez emaoun atao en da gichen, n'eo ket a gorf a dra sur, met dre ar beden, ar pez a zo kalz gwelloc'h. »

D'e giniterv vihan e skriv ar misioner al lizer dudiusman ; evel ma ro d'ecomp da anaout gwelloc'h hon Novisiadez, e lakomp anezan dirak ho taoulagad ;

« 6 a viz genver 1929.

« Pa skriven da Monik Deleru, eur plac'h yaouank hag ec'h eus anavezet mat, e lezen va fluen da redek ken dinoc'h ha tra. Breman eo da Seur Franseza-Romen e kasan va faper ha ret eo kemer manegou da skriva d'ez ! met, d'am sonj, en eur droka eur giniterv gant eur c'hvar, negollan netra hag e c'hounezan pep tra. Emaout eta Novisiadez na Novisiadez eürus ; met nag a hent eo bet ret d'it ober evit tizoutar pal-se !... Pa da velen o stourm ouz an diaezaman-chou e sonjen : « Mar teu he sonjou a Zoue e talcho mat. » Ha dalc'het ec'h eus mat. Ret eo dalc'hen mat betek penn : mar kouez warnout an anken, bez sonj eus kement ec'h eus gouzanvet evit heulia da c'halvedigez, ha guel neuze holl dalvondegez galvedigez Doue d'ar vuhez relijius ha d'ar santelez. Bez' eus mareou hag eo du ar vuhez hag e

vefe keuz da veza kemeret an hent m'emaer warnan. Mar ne gavez Morse mareou evelse en amzer da zont, gwella-se !... Mar kavez, ar sonj eus da boaniou tremenet gant gras Doue a zalc'ho ac'hanout en da sav. Rak-se dont a ri da veza eur « santez vrás » hag eur « mell santez ». Taol evez, dor au nenv a zo izel ! Ret e vezd d'it stoui da benn evit tremen.

« Lavarout a rez d'in en da lizer ema da dad, da vamm o vont da chom da Vruksel, gant Mari-Jenovefa emichans, n'her gouien ket. Er Gêr-benn eta ema servich da dad ? (Ar major a oa o paouez beza hanvet e Bruksel.) Kom-prent a ran, a gendalc'h ar misioner, e rafe ar chenhamantse poan d'it : pa dreman va unan dre Liej, dirak ti va c'havel, tud estren ennan abaoe pell zo, e strisa pep tro va c'halon ha koulsoude ret eo het d'in hed va buhez kuitât tud ha lec'hiou karet. Va merc'h an Aotrou Doue, hep goulen kuzul diganeomp hag hep lavarout nefra, a droc'h an eil goude egile an neud a stag ac'hanomp ouz ar bed : marne bleger ket ne dalvezet ket ar boan beza leanez. Setu perak eo ret da genta lezel Jezuz da denna diganeomp ar pez a fell d'ezan. Da c'houde, en da gouent, pell eus da dud, eus da familh, mar poaniez da veza ken parfet Novisiadez ha ken parfet leanez ha ma hellez, e serviji gwelloc'h eneou da gerent dre da bedennou ha da sakrifisou eget o chom en o c'hichen. En eur vont da leanez ec'h eus graet eun dra hag a blii da Zoue. Responent ec'h eus « ya » pa oa en da c'hal-loud respont « nann », plijout a rez eta da Zoue. Da garout a ra muioz'h eget ma vijes chomet er bed. Galloufusoc'h eo breman da bedennou ha Doue a hentcho, a skoazello, a vennigo da gerent fiziet ennan ganit o kimiada diouto evitan. Fizianz eta e Doue !... Ken mat eo ! ken fur ha ken galloudus ! Diouallet mat eo ar pez a zo diouallet gant Doue.

« Nag hir eo va lizer ! Petra lavaro ar Vamm enorus Mestrez an Novisiadezed ? Sellou du ray ouzin...

« Bloavez mat hag eürus : nerz-kalon ha labour brokus e servij Jezuz. Va c'hoar enorus Franseza-Romen, an enor am eus d'ho saludi ; va c'hiniterv vihan, da vriata ran a greis-kalon. »

Nerz-kalon ha labour brokus, setu Seur Franseza-Romen...

Guelout a recomp en he notennou ar memes fealded, ar memes labour sioul... Daoust ha sonjal a ra ez eo lost he maro ?... Mar sonj, eo hep gouzout d'ezzi ; beva ra kouls-goude, he sonj bepred en eternite hag er maro.

D'ar c'henta a viz gener 1929 e skriv, hep mar ebet evit beza brokusoc'h c'hoaz :

« Setu eur bloavez nevez, marteze an hini diweza. »

Ne ouie ket lavarout ken mat...

« Eur sklerijen lemm eo ar maro », emezi c'hoaz. Hag e klaske guelcut pep tra ouz ar sklerijen-se.

« Ar boan a zo eur sklerijen lugernus hag a ra d'eomp guelout n'eus netra e traou ar bed-man... » (Noten an 28 a viz chouevrer.)

« Va Jezuz, ret eo d'in beza c'houi. »

« En em deurel etre divreac'h Doue evel e divreac'h eun Tad e tesk d'in an umilite en drubuilhou... »

« Mousc'hoarzin da Zoue en eur zihun ; p'en em roan d'ezan e ran e volontez. D'an noz, er sioulded vrás, dige-

mer Jezuz, o tiskuiza ennon da veza dilezet gant e dud, gant eur mousc'hoarz ken seven ha m'eo rust an dervez... »

Nerz-kalon e ro d'ezzi ar sonj-man eus an Tad Koudray : « Pa sonjer e vezoz hor poaniou talvoudek evit ar re a garomp, e kaver muioc'h a basianted d'o gouzanv. »

Klask a ra tenna diouz he buhez an holl dalvoudegez dreist-natur a zo enni ; diskouez a ra evel-hen he c'harantez hag he aked d'al labour :

« Pep taol ma rin sin ar Groaz, e vennan goulen ar gontision barfet evidon, evit an dud en o zremenvan, hag er memes amzer pellat an diaoulou.

« Pep taol ma plegin va glin : resped an traou santel.

« En eur sevel diouz ar mintin : ar c'hras da c'houzanv mat ha d'en em lakat etre daouarn an Aotrou Doue evit ober e volontez.

« En eur vont da gouskat : ar c'hras da gaout eur maro mat. (Eul linen a zo dindan ar c'homzou-se.)

« Dre va finijennou, sakrisiou, poaniou a gorf pe a ene : ar c'hras da ginnig pep tra evel kement a akt a garantez evit an Iliz, va Urz va familh, va mignonned, ar bec'herien, an eneou.

« Dre va holl sonjou, sellou, komzou : e c'houleann ar garantez, ar glanded, an umilite.

« Ra vezoz pep lamm eus va c'halon, pep huanad, eun akt a garantez.

« Dre bep kammed, goulen ar c'hras da veza eul leanez santel ha birvidik.

« Dre bep Ave Maria, e c'houleann skoazel Mari eviton hag evit ar re a vennan pedi evito.

« Da bep Anjelus, e c'houleann karout ar Baourente, ar Glanden, ar Sentidigez.

« En eur stoui va fenn d'ar *Gloria Patri*, e fell d'in renta da Zoue va C'hrouer eun testeni a sentidigez a-berz ar grouadurien.

« Diwar vreman hag evit atao e fell d'in ho karout, o va Doue, lakat ac'hanoc'h da vousc'hoarzin, grit ouzin ar pez a garoc'h.

« Da bep kroaz pe boan, e fell d'in kinnig d'eoc'h eur vleunen gaer a c'houez vat hag a blijo d'ho lagad. »

* *

« En em westla bepred eo buhez eul leanez. »

* *

« Mat e vezet p'en em ginniger... »

Ha guelit penaos e kompreñ ar santelez er vuhez e kevret : « Dleet eo d'in gouzany pep tra a-berz ar re all, en eur vousc'hoarzin ; ha chom heb ober poan ebet d'ar re all. »

* *

« Va Doue, e ped-hi, digemer a ran hag ho frugarekât a ran da rei d'in labour eun diren eneb d'ar gurun, mar hellan komz evelse. Digemer a ran kement a blijo ganeoc'h digas d'in, hag an dra-se bepred gant eur mousc'hoarz. Karout a rafen kuzat ouzoc'h va foaniou evit diskouez d'eoc'h atao eun ene seder evit ho laouenât ha plijout d'eoc'h. »

« O nag ema, e gwirionez, Novisiadez vihan an Druez e skol santez Tereza ar Mabig Jezuz !

Gant he falronez eus an nenv e kane :

« Beva a garantez, n'eo ket, war an douar,

« Sevel eun telt padus war beg Menez Tabor ;

« Bez'ez eo gant Jezuz pignat war ar C'halvar,

« Ha sellout ouz ar Groaz evel ouz eun tenzor... »

* *

Setu aman c'hoaz eun nebeut sonjou all taolet ganti war baper epad eur retred : « Sentidigez trum ha seder ouz va Superiorezed.

« Eul leanez santel e fell d'in beza; eun novisiadez santel e rin evit-se.

« Beza feal en eun doarebrokus -alies e lavar an dra-se d'an holl vertuziou... »

« Na raouez int, a lavare santez Tereza ar Mabig Jezuz, an eneou a ra pep tra ar gwella ma hellont. » Eus ar re-se e oa Seur Frauseza-Romen.

« Moustra war pep c'hoant d'en em blijout d'in va-unan.

« En em rei da Jezuz betek penn.

« Beza feal da holl gastizou bihan ar vuhez e kevret. En em izelât, n'eo ket hepken p'her meritomp, met dreist-holl pa n'her meritomp ket. »

Pep tra a servij d'ez i d'en em sikour da wellât. N'eus ar Vamm Mestrez an Novisiadezed nemet eun ali da rei ha kerkeut eo heuliet ganti a greis-kalon...

Kredi ra d'in eo mat lakat dirazoc'h daou pe dri eus an eksaminou graet ganti eus he c'hostez. D'an dud dizesk e tesko kement-se al labour graet en Novisiad, labour talvoudeuk evit santelât an eneou.

Danvez eksamin :

I. En eur zihun, hag en em giøníget am eus-me gant feiz d'an Aotrou Doue ?

II. Epad an orezon, ha poaniet am eus-me da gomz ouz Doue evel eur bugel ouz e Dad.

III. Ha benniget am eus-me an eur gant feiz ha karantez ?

IV. Ha feal oun-me bet da chom sioul evit chom unanet gant Doue ?

V. Em zrubiilhou dister, em foaniou, ha galvet am eus-me Doue d'am sikour ?

VI. Diouz an noz, er sioulded vras, ha mat oun-me bet da gas diouz va spered ar sonjou goullo? »

Setu danvez eun eksamin all diwar-benn karantez Doue :

I. Em fedennou, hag aketus oun-me bet da c'houlen kreski karantez Doue ennon?

II. Ha sonjet am eus-me, e penn va dervez, e oa ya c'henta never karout Doue a greis-kalon?

III. Ha n'oun-me ket en em lezet da zistrei diouz al labour-se war-dro ya ene dre re a vall da labourat a gorf?

IV. Ha feal oun-me bet en traou bihan evit plijout da Zoue?

V. Em foaniou, em zrhubuilhou, ha va c'henta sonj a zo bet da c'hervel Hor Salver ? »

E miz even 1928, en doa Seur Franseza-Romen kemeret evel tachen da stourm warni : Douster, pasianted.

I. Em holl devosionou, ha goulenet an eus-me digant Doue douster ha pasianted?

II. Pa zo bet goulenuet servij diganin, hag hen rentet am eus-me a galon vat?

III. Pa 'z oun bet nec'het pe direnket gant eun dra benak, hag hen diskouezet am eus-me?

IV. Ha kaset am eus-me kuit deustum an nec'h, an dristidigez, evit lakat ennon ar peoc'h hag al levenez?

V. El labour gant va c'hoarezed, ha pasiant oun-me bet, ha moustret am eus-me war va santimanchou?

VI. Goude va faotou, ha poaniet am eus-me d'o rapari dre zisken izloc'h? »

Hag eürus ha karet gant an holl, e kase Seur Franseza-Romen da benn he labour kaer wardu ar santelez.

IX

Dre he notennou en eus Monik, pe gentoc'h Seur Franseza-Romen diskouezet goualed he c'halon... Guelet hon eus enni he c'harantez evit Doue, he naon a sakrifisou, he ezomm a umilite, he sec'hed a santelez...

Respong da volontez ar Mestr divin a oa eviti ar santelez.

Hogen d'ezan e felle e vije santel, ha santel en Druez, da lavarout eo oc'h unani eur yuhez dreist-natur gant an donezon anezi he-unan d'an dud dister, d'ar beorien ha d'ar glanvourien.

Kement e karas Urz an Druez! Ne vele Urz kaeroc'h ebet... Eviti he holl C'hoarezed a oa sentezed...


Met en Novisiad, petra ra? Penaos en em zalc'h? Petra sonjer outi?

Monik, kerkent ha deut ha war wellât ez eas an dra-se bemdez, en em ro a greis-kalon d'ar sakrifiz, d'ar fealded en deveriou dister, en he doare kaer, penn kil ha troad, hep trouz.

Gant ar memes sioulder e veler anezi errusta labouriou er gegin, er poull-kanna, dre an ti. He ment uhel, he yec'het krenv, he stumm nerzus a ra d'ezi goulen an diaesa micheriou.

« Lezit an dra-se ganin, va c'hoar, krenvoc'h oun egedoc'h... »

Eur mous'hoarz hag e lezer anezi d'ober, hag e toug sammou pounner, sailhadoù dour lor, botegou legumaj hag a bouez mat, laouen o tivech'ia he c'hoarezed pa zistroont diouz al liorz. E pep lec'h ema-hi evit dizamma ar re all ha ken brao, ken modest, ma ne voe guelet he aked d'al labour padus ha kuzet nemet pa voe maro. Pet gwech ne gempennas ket dre guz, heb en em lakat da dalvezout, boutou he c'hoarezed, ar plac'h yaouank kenedus-se eus



MAISON-MÈRE. — Le Calvaire

ar bed, deut da veza eun Novisiadez eus an Druez !... « Guelout a ran Doue e pep hini eus va c'hoarezed, a lavare-hi, ha neuze penaos n'o servijfen ket?... »

Pa veze goulennet sikour diganti da gas tan, er goany, d'al leanezed klanv pe goz, e vezé mallgant Franseza-Romen dougen ar muia gwella dirak ar c'hadoriou evit mirout ouz he c'hoarezed d'en em skuiza.

Mont a rae d'an distera labour, gant he doare soudard, hag iveau, ken kaer ha tra, d'he « buro » da liva bokedou evit eur gouel bennak pe evit unan eus he c'hoarezed ; hag eno hep derc'hel d'he doare da varn an traou-se, e sente ouz ar re all gant ar prez a ziskouez en distera labouriou, a-bez e chome he bolontez stennet wardu ar pal-se : *ober mat an traou bihan*, dre garantez evit Doue... Gwellochornet evit al liverez eget evit ar muzik, e c'hoarie Seur Franseza-Romen koulsgoude brao-bras ar muzik hep Morse diskouez beza inouet... Da zervez he Gwiskamant e c'houlennas he zud diganti petra rafe plijadur d'ezi : « Pennadou kaer a vuzik », a respontas-hi.

En eur dremen dre Bariz e kasas d'ezi ar major hag an itron Deleru ar pez en doa goulennet. Pebez levenez e voe evit an Novisiadez yaouank lakat ar pennadou kaer-se etre daouarn he mestrez muzik. Ha d'ar sulvez diweza ma c'hoarias epad an ofisou, e roas eur pennad eus ar muzikou o doa graet d'ezi kement a blijadur.

Bez' en devoe meur a wech, evel ma c'hoarvez peurvnia, da c'houzany a-berz he c'hoarezed ; en eul labour e voe ganti eul leanez santel, met stris a spered, ar c'hontrol beo da Monik a gavas eno tro da greski he fasianted, hi ken digor ha ken ledan he spered. Poania rae neuze da chom sioul ha da lakat eur mousc'hoarz dudius war he dremm kenedus. Mestr e oa d'ezi he-unan.

Goude maro Monik, e lavare eul Leanez oajet : « Pebez

koll ! ken mate laboure evidon, ken brao e servije ac'hanon hep gouzout dare d'in. »

Ken dous oa he doare da servija ar re all ma kreded e servijed anezi. « O ! bennoz da Zoue da rei tro d'in da velout ha da servija hor c'hoarezek klavy », a lavare-hi d'an Novisiadezed sikouret ganti e sal ar glanvourezed.

Seur Franseza-Romen a gare al labouriou dister-se. Daoust ha ne ouie ket, evel santez Tereza ar Mabig Jezuz, ez eo :

« Ar vuhez umbl gant he labour dister hag aes
« Eun dra hag a c'houlen eur mor a garantez. »

(Diwar Verlaine)

A-bez e lake enni he c'halon hag he c'harantez.

« Pep mintin e c'houllenn digant an Aotrou Doue ar c'hras da gaout sonj eus an traou dister. » Daoust ha ne gredfer ket klevout santez Tereza ar Mabig Jezuz ! « N'eus labour ebet, ne vern pegen bihan eo, ha ne rofe ket e vouez epad an eternite da veuli Doue ha da greski gloar ha merit an dud eürus. » Monik her gouie.

Ar pez a veled enni e oa eun tan a garantez maget gant eun nerz-kalon ar seurt ne vez ket kavet allies. Bez' en devoe dervezioù diaes da dremen, pennadou sec'hor, noz-veziou tenval ha ne chom mui enno gant an ene netra eus an den. Ken beo e chomas tan he c'harantez atao war gresk dre ma poanie da verval d'ezzi he-unan evit en em staga ouz Doue. Eun dervez koulsgoude ma oa bet muioc'h gwasket gant ar boan, tenvaloc'h an noz, gwasoc'h ar sec'hor, e teus al leanez yaouank d'en em strinka ehars daoulin he Mamm : « Va Mamm, n'oun ket evit mont ken... n'oun ket evit mont ken ! » hag en he mouez e tremene holl enkrez he ene.

« Petra zo, va Bugel ?... Ha c'hoant hoc'h eus da sellout adrenv ? »

Eul lamm a reas Seur Franseza-Romen en eur grial : « O nann, nann, va Mamm, n'eo ket an dra-se... O ! n'eo ket an dra-se... Met aon am eus ne garfen mui an Aotrou Doue. Ne ran netra evitan... N'oun ket evit mont larkoe'h ! »

Sioul, met hep chom da varc'hata e lakeas ar Vamm he merc'h en-dro war hent teuc'h met asur ar Feiz, hag ene an Novisiadez, eur pennad kouezet, ene leal ha lost d'ezevez, gwir verc'h eur soudard, en em daole adarre er stourmad pemdeziek gant eun nerz-kalon nevez.

« En eur renevez i bemdez tan hon devosion, e talc'h hon ene bepred ennan eur c'hened splann », a skrive sant Gregor. N'anavezo Morse klenvejou ar gosni keit ma talc'ho ar c'hoant d'en em renevez i heb chan. Setu perak e lavare sant Paol : « En em renevezit e spered ho stad. « Setu perak e lavare ar roue David, deut da veza parfet, evel eun des-kard : « Hel lavaret am eus : brem eo e krogan. » E gwirionez, mar ne fell ket d'comp kuitat an hent boulc'het, eo ret d'comp bale gantan bemdez. »

Ha bemdez en em renevez Seur Franseza-Romen.

Bez' e oa enni eun dra bennak eus nerz ar soudard, tapet emichans e kichen he zad karet.

« Ne chomomp ket da c'hourlec'h, deomp war raok », o lavare-hi d'eul Leanez.

Antronoz he Gwiskamant e lavaras eun dra dudius : « Kerse e Kaven mont d'am guele dec'h d'an noz, gwelloc'h am ije kavet dalc'hen va broz. »

Sentus kenan ouz an aliou roet gant ar Vamm mestrez an Novisiadezed, ne voe Morse guelet, a lavar he c'hoarezek, o lezel a gostez an distera dever hag ar sentidigez-se eo a ro, ervez santez Tereza ar Mabig Jezuz, he zalvoudegez d'ar

vuhez relijius. An dra-se a zo mervel d'eomp hon-unan nebeut ha nebeut. Pebez bolontez vat a zo ret da gaout evit-se !

Gouzout a rae e servije al labouriou-se graet gant karan-tez da savetei an eneou. « Ne d-in ket d'ar baradoz, emezi, evel eun taol avel, rak eur strollad eneou am bo da cha-cha d'am heul. »

Epad an deiz, en eur vont hag en eur zont dre al liorz pe dre ar gouent vrás, e lec'h m'en em golle d'ar penn kenta, e veled anezi bepred gant he japeled en heORN. Respout a reas d'eul leanez hag hel lavare d'ezi : « Krog e choman em japeled hed an deiz evit tenna kalz a eneou eus ar Purgator hag o c'has d'an nenv dre ar c'houec'h Pater hag Ave. »

Ene, e gwirionez, relijius, atao e tibabe n'eo ket al labour aesa met an hini diaesa, n'eo ket ar pep gwella met ar pep paoura. Dre ma soursie eus ar sekreteri, ec'h aspeded anezi da c'houlen eur montr : « Hag ar baourenteze, emezi, petra rit outi ? »

Ret e oa guelout dremm Seur Franseza-Romen o skle-rat pa glevé pep sizun Mestrez an Novisiad o tiskouez d'an Novisiadezed war evez hag entanet, n'eo ket hepken kened, talvoudegez ha brasted labour eul Leanez a Druez, met iveauz ar sakrifisou, ar pinijennou a oa o c'hortoz anezo pa vije ret, deiz ha noz, beilha klanvourien baour e lojou lous. Skiant-prena en eus al Leanez, netra ne guz ouz he Novisiadezed eus an daolen o devezo allies dirak o daoulagad e tier lor : ret e vez d'al leanez skuba, kempenn, gwalc'hi, aoza ar pred, louzaoui ar c'hanvour : ret e vez, wardro bugaligou goloet a druilhou fank, denc'hel lec'h ar vamm glany, dirouestla ha kriba pennou laou, siouaz ! « Eur pez kaer, a lavar ar Vamm, ho' sakrifisou hag ho karantez a salvo an eneou. Ret e vez mont da c'houde,

eur wech deut an noz, warlerc'h eun dervez skrijus awe-chou, da veilha eur c'hanvour, eur pec'her bras... Bete vreman n'eo ket fellet d'ezan klevout kaoz a Zoue; ho tigemer a ra atao gant ruster hag ho kervel a ra heb ehan da sevel e benn-vele, da rei d'ezan da eva. Ho spia ray hed an noz ha mar ho kuel atao dous o lavarout didrouz ho japeled pe bedennou all en e gichen, piou oar ha ne ziger-mero ket diouz ar mintin eur « vetalen vurzodus », kenta kammed eus e zistro da Zoue. Lavarit d'in petra vez skuisder an novez-se hep kousk, e skoaz ho levez da vez erfin gounezet eun ene d'an Aotrou Doue? »

En eur glevout ar c'homzou-se pe re all henvel outo, n'oa mui Seur Fransca-Romen mestr d'ezi he-unan ; en he daoulagad e skede eun elfen a dan... « An dra-se, ya, an dra-se eo am oa huvreet », emezi. Evit c' Galvedigez kaer, evit he Urz ken karet, ec'h entane he c'hoarez. « O na kaer, na kaer eo beza Leanez a Druez ! » Hag o trei wardu ar Vamm : « Va Mamm, ne gasoc'h ac'hanon, ne ket'ta, nemet daved ar beorien ? »

Karout a reas ar beorien ha karout a reas ar baourenteze. En eur dremen dreist treuzou an Novisiad, lavaret e vije en doa lezet er-maez betek ar skeud eus eur wiskamant ervez ar bed. Fellout a rae d'ezi beza paour hag e tibabe an dilhad koz, uzet, distum. Daeust ha ne oa ket guelet, epad he Novisiad, oc'h uza eur boutou ler dopez penteilhet kant gwech, ha pa felled rei d'ezi eur re all : « O nann, va Mamm, emezi, eur pennad e hell c'hoaz mont ar re-man. » Ha ne oa ket guelet iveauz oc'h uza eur vroz mezer glas, teo ha gros ? Piou en dije lavaret neuze e oa Franseza-Romen, gwisket ken paour, eus eur familh gwisket brao er bed ? Maro oa enni pep santimant a fouge ha n'oa ket eur ger goullo he frof d'ar C'hrist.

Muioc'h eget n'hellfemp lavarout, e karas he micher er

sekreteri ; beva rae evelse koulz lavarout a-hed an deiz, e kichen he japel gaer, tost d'he Mestr divin. « En eur Bourchas an aoter evit an oferen, emezi, e lakan warnan va holl mennadou, holl mennadou va c'hoarezed hag e lavarant d'an Aotrou Doue : « Sonj en hini en eus laket ar bleuniou hag ar goulaou-se. »

Leun oa he c'halon a garantez evit he c'hoarezed. Daoust ha n'en eus ket lavaret d'eomp e vele Jezuz en he c'hoarezed? Ken bras oa he ezomm d'en em rei, d'ober vad, d'ober eürusted ar re all ma amzayé : « Mar vefen etouez Leaned diaes beva ganto, na ne vefe ket gourc'hennel d'in o c'harout, n'hellfen ket mirout d'o servija, eun ezomm eo evidon. »

Goulennet e veze diganti pardon evit eur gomz kasaüs : « O! me, an dra-se ne ra netra! Lavarit d'in kement ha ma karoc'h », hag e veled e sonje evel ma lavare...

Enni e oa nerzus, leal, bras pep tra, met goloet a umilite. Karout a rae, hel lavaret hon eus, ar pez a oa dister ha paour. En eur zistrei diouz interamant eul leanez e lavare : « Ha! setu ar pez a garan, paour eo interamant eul leanez. » Nann, ne garfen ket mervel war al labour, en unan bennak eus Tier hon Urz, rak néuze e vezet goloet a enoriou hag a veuleudiou, elec'h aman, er Vamm-Di, e varver kuzet, gwella-se! »

Ar maro ! heb chan e tistroe an daou c'her-se war he muzellou ha dindan he fluen.

Da c'houel an Holl-Sent e lavaras, teneraet gant kened lidou an Iliz, ken kaer en Druez : « Mar d-eo ken kaer war an douar, petra 'ta vez en nenv? »

« Ezomm ebet da glask trabas gant hor paourkeas korf, a lavare-hi c'hoaz, abenn hanter-kant vloaz ne chomo ket nemeur a dra outan! »

Sur awalc'h, ken leun a yee'hed, ken seder, e veve Seur Franseza-Romen gant sonj ar maro...

Guelet hon eus en unan eus he notennou kenta skrivet er gouent ar sonj-man hag a renevez bemdez he nerzkalon : « Mar tlefen mervel henoz, penaos e karfen-me beza tremenet an dervez? »

D'ar c'henta a viz genver 1929 e skriv : « Setu eur bloavez nevez, marteze an diweza? »

D'ar c'henta a viz meurs : Sant Jozef, en em lakat a ran dindan ho skoazel, sikourit ac'hanon. « (Interet e tlee beza d'an 49 a viz meurs.)

Na ped ha ped gwech ec'h en em giunig : « Setu me aman, va Doue ! » Aslavarout a ra betek hanter-kant gwech : « Mar varfen henoz ! » pe ar ger-man hepken : « Ar baradoz ! »

Hag he huanadou bero : « Jezuz madelezus, bezit diganiu karantez evit karantez ! ... C'houi hepken, o va Jezuz ! »

D'unan eus he Superiorezed hag a c'houenne diganti ha sonjal a rae mat en Aotrou Doue edoug an deiz : « Atao emaoun dirazan. Morse ne gollan ar guel outan », en doa-hi respontet.

Evit en em brepari d'ar Wiskamant, laket en doa-kement-man en he fenn : « Labourat evel ma karfen beza labouret da eur va maro, evelse e tlean beza evit va c'henta gwestl. » Dilezel a ra pep tra gant levenez : « P'en ens va Mamm (Mestrez an Novisiadezed) troc'het d'in va bleo, e lavare-hi neuze, me am eus kinniget pep hini anezo d'Hor Salver. »

En em brepari ra bemdez d'ar maro-se hag a ra d'ez i beva ken uhel e sklerjen ar wirionez...

« P'emaoun daoulinet evit an Eur santel, emezi, e tigemeran ar maro a zigaso Doue d'in hag ec'h en em ginnigan d'Ezan. »

« Mestr mat hag a zo maro evidon, deskit d'in mervel bemdez d'in va-unan, evit ma vezin prest d'ar sakrifiz diweza hag evit ma hellin kaout ac'hanoc'h hed an éternite...

« O maro, pep tra e tenni diganin, ya, pep tra!... »

Hag e krenn : « Dous eo mervel evit eun ene feal... »

Eur wech all e tistro war ar sonjou : « Dous ha frealzus eo maro an den santel. Marvomp bemdez d'eomp hon-unan evit ma vezo hor maro « ar gouel bras » evidomp. »

N'oa ket Seur Franseza-Romen evit gouzout e oa ken tost ar « Gouel bras »!

E penn ar c'horraiz en doa Seur Franseza-Romen skrivet d'he zad, a dlee dont da velout e « verc'h vras », evit goulen digantan gortoz Pask evit beza-hi muioc'h d'ezan hag hen muioc'h d'ezzi. Ar major a asantas... Ne dlee mui he guelout e buhez.

X'


Kaout a reomp e levr kaer an Tad Schryvers, « *An donezon ac'hanomp hon-unan* », meur a bajen war an donezon ac'hanomp hon-unan da bred ar maro hag a zere mat ouz Seur Franseza-Romen.

« Awalc'h, emezan, e kav an ene didroidel karout Jezuz hag ober e volontez a eur da eur. Evelse e tremen e vuhez, plean met eürus. N'en eus ket a boaniou rak evitan e tro ar poanion e joaiou. N'eo ket nec'het gant netra, rak e pep tra e sonj Jezuz evitan. N'en eus aon raok netra, rak diouz dorn Jezuz e teu pep tra d'ezan.

« Evelse e vev an ene, kellet doun-doun e Doue. Choueza hell an avel foll diwar c'horre, met n'hell ket mont betek ar goualed reis ha sioul. O Jezuz! nag eun hevelep buhez, a zo da veza c'hoantaet! Hep konta m'eo sin eur maro kaeroc'h c'hoaz. »

« Petra ra d'ezan ar vuhez? Petra ra d'ezan ar bed? Abaoue m'eo en em roet Monik da Zoue, hag holl da Zoue, morse n'en eus sonjet sevel eun telt hed an hent a gas d'an eternite. Ar muia en eus graet eo chom a sav eur pennad e kostez an hent evit tapout he alan ha sellout ouz ar veaj graet. Ar pal eo e c'hoanta, warduar maro eo e red, rak ar maro, eviti, a zo penn kenta ar wir vuhez.

« O! gant pebez soursi e pourchas ar gristenez vrassé an diweza eus he oberou, an hini talvoudeka, ha n'eus nemetan talvoudek en he buhez. Bepred e klask mervel ; bepred e tistag diouti he-unan dre eun akt a ofrans, e ro da Zoue ar pez eo eo, ar pez en eus pe e hell kaout eun dervez. Rei rá d'ezan he ene evit beza santelaet hag unanet gantan. Rei ra d'ezan he c'horf evit beza diouallet pe zistrujet ervez e volontez; rei ra d'ezan he buhez evit beza digemeret gantan en-dro d'an eur m'en deyezo choazet, en doareou



Une Allée de la Maisons-Mire

m'en devezo merket. Eur maro digemeret araok eo peb eur eus he buhez.

« Mervel heb chan eo heva evelse. Pa zeuy Doue erfin da lavarout d'ezzi « Ret eo mervel », petra respolto d'ezan he ené, nemet : Mestr mat, ne ran nemet an dra-se meur a vloaz 'zo. »

« Ya, ene gwestlet da Jezuz, da vuhez a zo eur maro pemdeziek, eur sakrifiz hep paouez ac hanout da-unan, eun oferen peurbadus. War da vele a varo ec'h echu an oferen-se. Te eo, unanet gant Jezuz da Vestr, an oan kinniget e sakrifiz, evel ar beleg a ginnig anezan. En em lez da veza sakrifiet. An enor ec'h èus d'unani da sakrifiz gant hini Jezuz. Eus da varo poanies etarz ar vuhez evidout da-unan hag evit ar re all. Gant Jezuz e tasprenez ar bed, gantan e kastizez pec'hejou an dud, gantan e santelaez an eneou... »

« Hep dale marteze e teuy eun dervez hag e vezou ret mervel. » Deut eo an dervez-se evit Seur Franzeza-Romen.

D'ar 14 a viz meurs, e savas an Novisiadez yaouank da bemp eur diouz ar mintin, evel kustum, hag e kemeras perz e pedennou hag ofisou ar gouent. Goude lein ez eas d'he labour er sekreteri. Kalz e oa d'ober evit pourchas gouel ar brofession hag ar wiskamant abenn antronoz. Sikour a reas hec'hoarezed, evel m'oa boazet, hep diskouez skuisder na diaezamant ebet. Da greisteiz e kemeras he fred evel an derveziou all. Koulsgouende, distro d'an Novisiad, e lavaras d'he Mamm n'en em sante ket mat awalch : « Poan benn », emezi. Poan benn en deveze alies, dreist-holl abaoue m'en doa bet evel plac'h yaouank ar c'hlenned hanvet e galleg « *sinusite* »; boazet da voustra war he foan, n'hel lavare nemet dre sentidigez, o sonjal n'oa netra, hag hep hen diskouez na d'he c'hoarezed na d'he mestrezed.

Né dleé chom, er sekreteri nemet eun nebeut euriou diouz ar mintin; goude kreisteiz e c'houennas aotre da

zistrei da sikour, « rak, emezi, kalz a labour a zo d'ober hirio. » Ouz ha guelet skuis ne roas ket ar Vamm an aotra goulennet ha pedet e voe Seur Franseza-Romen da choma azezet en Novisiad. En diskuij e kemeras perz gant he c'hoarezed ha gant c'hoarz ar re all en em weskas he c'hoarz drant; e kevret e voe graet eur bournenaden e baliou ledan al liorz didrouz. Dalpenn en em gavas gant eur Superiorez hag a zistroe diouz Mons hag a lavaras d'ezzi « Guelet am eus ho tud. N'am eus ket amzer bremiez, met warec'hoarz e lavarin d'eoc'h muioc'h. » Daoust d'he c'hoant da c'houzout keleier ar gér, ne reas Monik goulen ebet hag e respontas : « Bennoz Doue d'eoc'h, va Mamni », hag e redas da gaouh tec'hoarezed.

En eur zistrei e chomjont a-sav war deleziou an Novisiad hag epad ma oa unan o vrousta he broz, Seur Franseza-Romen, leun he ene gant al lidou a vije antronoz, en em lakas da gana ar c'chantik a gan ar brofesed pa gouezont d'an douar evit kimiada diouz ar bed :

« D'ar maro, d'ar maro e vezò fin, pec'her,
« D'ar maro, Doue vezò da varner. »

Piou en dije sonjet e vije c'houec'h eur ha tregont goudeze an Novisiadez nerzas-se dirak Doue !

Diouz ar mintin e oa bet fichegant bleuniou ha glasvez, en enor d'ar gouel a bourceased, skeuden ar Werc'hez Vari, Mamm garet ha Rouanez dudius an Novisiad. En dervez-se e oa bet kinniget rozennou kaer-laket e daou bod e kichen ar Werc'hez sanctel. An eil war eben en eun doare ha n'oa ket brao e stoue ar rozennou re bounner o fenn evit o gar. Digaset e voe ar podou da Seur Franseza-Romen, azezet ouz eun daol, e kichen. Laouen da renta servij, eùrus d'ober an dra-se evit ar Werc'hez Vari a gare, her gouzout a reomp, gant kement a deneridigez, hia savas o fenn d'ar

roz, ken brao ha tra. Lakat a reas ar podou e kichen ar skeuden, en eur c'houlen ha kaer e oant evelse, prest d'o renka en eur c'hiz all. En o c'haera e oa ar bokedou. Setu aze he labour diweza ! Pebez karantez ne lakas ket hi ennan hag en enord da Rouanez an neny, da Vamm an Druez divin e oa al labour-se.

Atao e pade ar boan benn. Da beder eur o velout anezi skuisoc'h, e voe kinniget d'ezzi mont da ziskuiza ; pedi reas ma yefe lezet war say : « Evel kustum, emezi, bez' am eus eun dervez epad an deiz. » Roet e voe d'ezzi eul lououz gant urz da vont d'ar goan genta a vez da c'houec'h eur ha da vont goude-se d'he guele. Gant he c'hoarezed e selaouas Seur Franseza-Romen al lennadeg. Wardro pemp eur hanter, e reas he feden ehars treid Gwerc'hez an Novisiad. Da c'houec'h eur, d'an taol kenta roet gant ar c'hloc'h, ez eas da goan. Squezet e voe ar Vamm-Vestrez ouz he guelout o tistrei koulz lavarout deustu : « Va Mamm, emezi, n'oun ket evit debri ; poaniet am eus, met ne zisken ket. » Ha dirak enkrez ar Vamm : « N'eo netra ; eun nosvez vat hag e vezò echu. » Karget e voe eul leanez da veilha warni ha da rei d'ezzi, eun tammiig diwezatoc'h, eur banne laez hag a voe digemeret gant Seur Franseza-Romen gant eur bennoz Doue, mezek eus al labour a roe.

Da seiz eur e tistroas al leanez d'he guelout. Outi e vousc'hoarzas ar glanvourez, evel kustum, dous ha seven, met anat e oa e tiwaske Seur Franseza-Romen kalz a boan, rak-se e voe lavaret d'ezzi chom en he guele antronoz betek al lid a dleebeza da eiz eur hanter. Da bemp eur diouz ar mintin, e oa al leanez en he c'hichen o c'houlen kelou eus he nosvez :

« Fall, a lavaras Seur Franseza-Romen ; n'hellin ket sevel evit ar gouel. Kerse e kavan ! Me bedo evit va c'hoarezed vihan. » Unan eus he c'henyroadezed belj a

dlee kemer ar wiskamant; eürus e vije bet da veza en he c'hichen ! N'oa ket da sonjal en dra-se, rak souezet maro e voe al leanez o velout e save an dersienn da 40° 6. Kerkent e voe diskennet Seur Franseza-Romen d'an Infirmeri.

En eur dremen dirak ar re eus he c'hoarezed en em brepares da brofesi an dervez-se : « Ne vezin ket en ha kichen evit kemer perz en hoc'h eürusted, emezi d'ezober a ran ar sakrifiz-se evit ho menuadou ha pedi ria evidoc'h. Karout a rafen gouzout ano leanez an demezel D.. (he c'henvroadez a dlee kemer ar Wiskamant) ».

En eur zisken an deleziou ec'h en em gavas gant eun Novisiadez : « Pebez sakrifiz ! » eme houman. « Her c'hining a ran evit va zud », a respondas-hi en eur sonjal en he c'herent muia-karet. Unani rae er memes karantez he familh ervez ar c'hras hag he familh ervez ar gwad.

Da eiz eur e oa ar medisin en infirmeri. Goude beza guelet mat ar glanvourez e tougas e setans : « Netraskler... Beradou dour e goualed ar skevent dehou... Roc'honel aman hag a-hont... Lakit palastrou... Kenavo emberr. N'eus aon ebet da gaout. »

Daoust d'ar fizianz-se e chomas nec'het al leanezed.

Reis e chomas Seur Franseza-Romen, en em roet da volonte Doue. Ha n'en doa ket respontet d'eul Leanez hag en doa sikouret anez da zisken d'an infirmeri hag a druezout dre n'helle ket mont d'ar gouel : « O ! diganin e hell an Aotrou Doue goulen ar pez a garo. »

Dare oa ar hugel-sé evit ar baradoz. D'eul Leanez hag a gannerze anez da c'houzany he foan hep finval, e kavas Monik he nerz da respont : « Komprenet. » ha ne finvas mui.

Fall e oa an dervez en despet d'al louzeier. Peb an amzer e kolle he anaoudegez vat. Evit seveni he c'hoant e teujod da lavarout d'ezano leanez he c'henvradez... A

boan ma seblantas kompre... An enkrez a greske. D'an abardaez e tistroas ar medisin hag ankenius e voe, an taol-man, e setanz : « Gwall daget eo ar skevent. » Pebez enkrez er gouent ! Ken karet e oa an Novisiadez-se gant an holl ; kement a fizianz o doa laket enni he Superioro ! Ha ken trum hag ar gurun e oa bet ar c'hlenved. Penaos kas ar c'helou d'he familh ? Ha dont a raje he zad abred awalc'h evit he guelout e buhez ?

Pebez euriou poanies evit kloza eun dervez gouel !

Klasket e voe an tu da derri ar c'hlenved. Ne reas nemet gwasât. N'anaveze mui ar glanvourez den ebet ha ne seblante kompre nemet he Mamm Mestrez an Novisiadezed, pa lavare houman pedennou berr en he c'hichen.

Meur a wech e lavaras : « Mammig, mammig ! » Martez e kemeske an aked a gemered en-dro d'ez hag hini he mamm galvet ganti e kreiz eun hanter anaoudegez.

Bepred e wasae d'ez ha koulsgoude e talc'h e al Leanezed fizianz atao : ken krenv, ken nerzus e oa Seur Franseza-Romen ma trechje martez ar c'hlenved. Wardro hanternoz e voe ret amzay e oa Seur Franseza-Romen o vont da verval !

An aomonier a zeuas da rei d'ez hag sakramanchou diweza. Sioul e voe an angoni, klozet a bedennou. Ar Vamm-Vestrez a rae d'ez pokat d'ar c'hrusifi hag a aslavare goustadik en he skouarn ar pedennou hag an aktou a garantez ken karet gant ar glanvourez. Awechou e seblante he c'hulvennou o finval lavarout : « Klevout a ran. » Petra dremene en he enebrokus ? Mister. Aslavarout a rae-hi ar ger-man : « Setu me aman » ? Mar ne lavare ket anezan d'an eur-se, hel lavaret en doa ken alies ken leun e oa bet an donezon anez he-unan, ma oa bet digemeret gant Done. Da beder eur hanter diouz ar mintin e roe he huanad diweza, o lezel al Leanezed a oa en-dro d'ez doaniet

kenan, met iveau e peoc'h : kement e kare Seur Franseza-Romen an Aotrou Doue, ken distag e oa-hi diouz pep tra!

Ar Vamm-Vestrez a reas boda Novisiadezed ha Gou-lennerezed e sal an Novisiad, a-raok orezon ar mintin hag a lavaras d'ezo e oa marvel o c'hoar. Goude eur pennad souez e voe goelvan. Ken karet e oa Seur Franseza-Romen gant he c'hoarez abalamour d'he vertuz ha d'he madelez! Ne ouie ket an darn-vuia eus ar Brofesed e ca klanv; rak-se pa reas an aomonier peden eviti a-raok an oferen, e voe enkrezet an holl. Pephini a vele c'hoaz an Novisiadezed ken bras, ken kaer, ken nerzus, ken leun a vuhez, daou zervez a-raok, o ficha ar japel gant bleuniou ha glasvez. N'oاد ket evit lakat er penn e voe-hi maro.

E Bruksel e voe digemeret ar c'helou gant ar vrasha doan. Pa ouezas an tad, da genta, maro e verc'h, e voe skoet ha n'hellas lavarout nemet : « Maro eo Monik! Nann, n'eo ket gwir an dra-se! » Bale reas eur pennad : azeza reas da choude, gwasket, ha lezel a reas e zaelou da redek.

An itron Deleru, o tigouezout d'an eur-se, a voe iveau evel skoet gant ar gurun pa glevas ar c'helou skrijus, daoust d'an troiou a voe klasket d'hel lavaret d'ez. Kouls-goude, evel he fried, ne glemmas ket, ne c'hrasmolas ket. Eur pennad goude e lavaras : « Va Doue, he roet ho poa d'in, he zennet hoc'h eus diganin, ra vez graet ho polon-tez santel! » emezi. Hag o tistrei wardu al Leanez karget eus ar gefridi diaes : « Ha lavarout a rit-c'houi ganin ar *Magnificat* hag ar *Salve Regina?* » Hag e krogas ar griste-nez wirion-se, war he daoulin, er pedennou, a vouez uhel, daoust d'an daelou a vennie o mouga.

Da c'houde en em breparas ar major hag an itron Deleru da vont da Séez, o c'halon brevet, met doujus kenan da volontez an Aotrou Doue...

E tal guele a varo Monik, ne gouezas ket o nerz-kalon.

Edo aze o bugel ker, Novisiadezed vihan an Druez, ken kaer, ken glan! War he dremm kaeraet gant ar maro e sked kement a zouster ma lavaras ar major, o sonjal el levez kavet gant Monik er gouent, o sonjal iveau en doa graet d'ez gortoz : « Nag a geuz am eus da veza miret outi da zont aman kentoc'h, muioch a eürusted en defe bet. »

Pa zigemer ar gerent gant kement a feiz eun hevelep poan, e hellont beza sur eus bennoz Doue.

Graet e voe an interamant e Seez, d'an 19 a viz meurs 1929, er japel gaer en doa Seur Franseza-Romen ken karet, elec'h m'en doa pedet, eurus en he Urz devot. Kaset e voe ar c'horf glan d'ar Belzik elec'h ma tiskuiz, e Mons, e bez ar familh.

Eur skeuden feal eus ar pez a voe Monik e ro, a gav d'omp, al linennou-man skrivet gant an Tad Konrady.

« 6 a viz mae 1929.

« Eurus oun o rei testeni da envor Monik. N'am eus ket darempredet awalc'h va c'hiniterv vihan evit prizout evel m'eo dleet, an holl zonezon a galon roet d'ez gant Doue ; met eur vertuz dreist ar re all en eus skoet va spered : nerz he bolontez. Eur wech dibabet ganti he stad a vuhez, a greis-kalon en em ro Monik da Zoue. Ne vezoo distroet gant netra diouz he galvedigez. Kement ha ma vezoo c'hoant e c'hortozo gant ma hello he leunio. Ha pa diz ar pal, e strink he eürusted en he holl lizeri ; n'eo ket e veze chomet dizeblant o kimiada diouz he zud. Anavezet en eus Doue he foaniou kalet ; met fellout a rae d'ez en em rei da Zoue ha sakrifia d'an Hini he galve ar bed, he familh hag he natur. Leun a felle d'ez e veze he sakrifiz... « Me fell d'in beza leanez, a skrive-hi d'in, met n'eo ket e hanter-hini. » N'oاد ket kemeint-se enni frouden eun natur entanet hag a liv an amzer da zont gant liou frealzus an

Novisiad ; nann, mat e komprene danvez ar c'homzou-se. Kalz en doa pouezet warni he retred diweza : « Bez' e oa eur retred evel n'en doa ket graet c'hoaz. » Ne ouie ket e vije an diweza ; Doue her gouie hag a ginnigas d'ezi eur skouer a vuhez relijius, buhez a sakrifiz hag a labour tenn. He hini e voe ar skouer-se hep marc'hata hag heuliet en defe anezan gant sikour an hini er c'hinnige d'ezi. Met awalc'h e kavas bolontez vat e servijerez, dare evit ar baradoz.

« Sal e hellfemp-ni, pephini ac'hanomp el lec'h m'eo bet laket gant Doue, o kemer skouer diwar Monik ha sikouret gant he fedennou, digemer a greis-kalon ar sakrifisou a c'houlen diganeomp : Kentel talvoudek hag a lez ganeomp ar vuhez-se berr a vloaveziou, met pinvidik a vertuziou. »

A. KONRADY,

« Misioner er Mongoli. »

* * *

Deut e oa ar pried, hep gouzout dare, e kreiz an noz, met evel eur werc'hez fur, Seur Franseza-Romen a c'hor-toze anezan, he c'hleuzeur enaouet ganti en he dorn...

Hag aet e oa gantan d'ar sal eured.

